

世說新語補考

上



白鹿桃先生著

# 世說新語補考

京都

書林

風月堂  
文會堂  
文泉堂

世說新語補考序

世說之為書也。善狀人之聲音  
容貌。俾千載之下。如周旋一室  
視其行。心聽其言論。雖然。所  
跋譽。褒貶。多與吾道舛馳背  
行矣。但優游玩味。而知風俗之

世言宋言不  
所移而已。何必句解字詁如講  
典。漢然哉。故孝標注。博引履  
歷行事。或問着異同。猶三國志  
有裴叔經者。鄴自為一書。弇州  
之補。亦倣二劉體裁耳。古今未  
有為之解說者。然其書委曲叙述。


文多微辭。語有深意。或用瑣言  
稗說。與當時稱謂。並難以意  
裁。臆決矣。要在考諸事實。而有  
驗。按諸事類。而有比耳。昔廬麟  
州之徒。間者所發明。不過十之二  
初學或苦句棘。結固難分解。此

世說新語補考 序  
不知為何等語。則安在千載之  
下而視聽千載之上乎。日者西  
播岡氏摘其難通曉者為之解。  
名曰觸。所以解結也。而有結未  
解者。又不能無治而禁之。吾友桃  
子深讀書。銳意講究。其於世說

微辭深意。及瑣言釋說。與當時  
稱謂。特索旁搜。驗於事實。比於  
事類。不得考證。則不措。閱歲若  
干。蒼為一書。命曰世說新語補考。  
結未解者。治而禁之者。縷。分解。  
迺可得而尋釋也。然後千載之

世言雜言補考 序  
下而視聽千載之上者。其庶幾  
乎。然其考欲便初學。故不免補  
啖。趙集傳而招大方之譏者。子深  
所不辭也。

寶曆辛巳十月。攢岐後藤世鈞題



世說新語補考引

弇州王氏刪補世說新語。學者蓋膾  
炙焉。余少時有此書癖。而往。苦難  
通解。每得一考證。輒寫出之。零紙千  
片。敝麓盈矣。爾後裘葛十易。稍覺昔  
之所信。今有可疑者。未暇澄汰。及釋  
褐出雲。教授。門人有私抄去者。余恐

其傳誤。乃始以次補正。閒舉岡氏鱗與余意異者論之。題曰世說新語補考。卷分上下。是歲適至東都。示諸同志。曰。若得諸賢之剡定。梓以公于世。則於寒鄉之書。為妄語兒所欺者。有小補乎。咸曰善。時余以官事不得久留都下。研校未完。輒附剡刷。恐其尚

有遺漏。謬誤博洽君子。幸賜是正。余不敢攘其美。他日必有倣傳古婁左傳註解辨誤補遺矣。是為信。

寶曆辛巳冬日

出雲教授石見桃源藏識



世說新語補考卷上

出雲教授 桃源藏子深著

德行上

閔仲叔含菽飲水 物理論菽。眾豆之總名。禮檀弓。啜菽飲水。疏。以菽為粥。漢書貨殖傳。貧者襤褐不完。啜菽飲水。

註必是曾講道學來 圈外註李 謂不曉事也。蓋明人譏

宋儒者作出此語。按周黨負介。遺以薄物。仲叔尚以為煩。受而不食。益見其清操。然李贄以為不食有理。遺者可啖。是不獨不知周黨。亦不知仲叔也。

趙孝以父田禾將軍任為郎 漢書哀帝紀註。應劭云。任子令者。漢儀注。吏二千石以上。視事滿三年。得任同產若子一人為郎。師古云。任。保也。按蘓武傳。武少。以父任兄弟。

並為郎。以父任為郎是也。霍光傳。兄去病將光西至長安。時年十餘歲。任為郎。以同產任為郎是也。百官表。郎掌守門戶。出充車騎。○白衣步擔。趙孝不好累人。故為微者。旅裝。按漢制。官吏著皂。谷永傳。擢之皂衣之吏是也。給官府。趨走者著白。兩龔傳。聞之。白衣是也。

註大官 漢書百官表。少府屬官有大官。師古註。大官主膳食。

高文通居鄉時章

註妻常之田 常讀為嘗。○不覺潦水流麥。野客叢書。今言持竿誦經。不知雨之流麥。必稱高鳳。不知先此。朱買臣蓋嘗孜孜修學。不覺雨之漂粟矣。事見鄒子。○乃省 省。悟也。潦水流麥。妾還怪問。高鳳乃始省悟。

梁伯鸞少孤章

註簡斥 選而遠之也。○偃蹇 後漢書注。驕敖也。○椎髻 後漢書注。一撮之髻。其形如椎。○操作而前 太平御覽引後漢書。作下有具字。說郭引下惟短牒。宋玉東家女。因玉見棄。誓不他適。膏沐不施。恒以帛帶交結胸前。後操織作以自給。陸龜蒙小名錄。郭主好禮節儉。以王女之富。手常操作。詩經廣大全。拮据。操作勤勞之狀。○五噫歌 北芒山名。在河南洛陽北。帝京洛陽。後漢所都。人之劬勞。遼遼未央。蓋謂世祖中興。勞苦也。遼遼。遠貌。楚詞九嘆。山脩遠其遼遼。未央。無窮極也。老子。荒兮其未央哉。或以未央為宮名。按未央宮在長安。恐非北芒山可望者。○適吳歌 後漢書註。菲菲。高下



不定也。𠵼音延。讒言捷急之貌。光貌。光儀也。茂盛也。臭敗也。委結懷恨也。惟惟恐也。○葬子羸博之間。禮檀弓。延陵季子適齊於其反也。其長子死葬於羸博之間。註羸博齊二邑名。○要離。姓要名離。刺吳王僚子慶忌者。見吳越春秋。

范巨卿為荊列刺史章。○街卒。書叙指南胥吏色役條所由之類。曰街卒。○與子俱曳長裾。岡白駒世說新語補。觴古云曳裾。謂磬折則前幅先垂曳也。此蓋言相禮揖也。方以智通雅曰。大抵領會曰衣。皆下即襟。襟之下皆可曰裾。故曰曳裾。謂磬折則前幅先垂曳也。兩雅。衣皆謂之襟。故謂之裾。此明證也。觴蓋據此。○按爾雅註。裾衣後裾也。釋名。言在後常見踞也。前漢鄒陽傳。何王之門不可曳長裾。巨卿語本于此。曳猶曳柴曳尾之曳。其裾長。故行則曳地耳。

非待禮揖。磬折而後然也。衣裔前後皆謂之裾。義或當然。然如磬折時。可謂前幅垂委。恐不可曰垂曳。則曳裾之裾不必前裾也。○遊息太學。禮學記。君子之於學也。藏焉脩焉。息焉遊焉。

范史雲遭黨錮。錮。鑄銅鐵以塞隙也。借言塞仕進之路。東漢之末。賢人君子。宦官皆謂之黨人。而禁錮之。謂之黨錮。○鹿車。太平御覽。鹿車窄小。裁容一鹿也。無牛馬而能行。獨一人所致耳。○麥已襍。襍同雜。一作襍。誤。言所遺一斛。與所拾五斛已相合。雜不可分辨。故併送之。陳仲舉為豫章太守章。

註。留謁即去。綱目集覽。謁謂以札書姓名。若今通刺也。十八史畧註。留從者。謁告喪主而已。不見而行也。按

史記高祖紀。給為謁。酈生傳。跪拾謁。皆謂名刺。留謁。留名刺也。集覽。說是。且徐孺子當時會黃公。葬無資。以自致。至磨鏡自給。那得有從者。

徐孺子嘗事江夏黃公章。

註五府。大傳。大尉。司徒。司空。將軍。○李固以書逆遺之。後漢書黃瓊傳。永建中。公卿多薦瓊者。於是會稽賀純。廣漢楊厚。俱公車徵瓊。至綸氏。洛列地名稱疾不進。有司劾不敬。詔下縣。以禮慰遣。遂不得已。先是徵聘處士。多不稱望。李固素慕於瓊。乃以書逆遺之。曰。聞已度伊洛。近在萬歲亭。豈即事。有漸將順王命乎。自頃徵聘之士。胡元安等。其功業皆無所採。是故俗論皆言處士純。盜虛聲。願先生弘此遠謨。令眾人歎服。一雪此言耳。瓊

至。即拜議郎。○封邠鄉侯。本傳。延熹二年。梁冀被誅。

復拜瓊為太尉。封邠鄉侯。註。邠音尤。○五侯。單超。左

官。徐璜。具瑗。唐衡。

郭林宗每行宿逆旅章。

註城阜。後漢書作成阜。○有道君子。舉士科名。

李元禮風格秀整。章。○名教。類書纂要。躬行禮義。人倫名實之教。謂之名教。袁彥伯。三國名臣贊序。君臣離而名教薄。

陳太丘詣荀朗陵章。○下食。設食也。

註羔雁成群。書舜典。五玉三帛。二生一死。贄。註。二生。羔雁。卿執羔。大夫執雁。○百城皆圖畫。魏志注。引先賢行狀。百城上有豫列二字。後漢郡國志。潁川郡屬豫

列。豫列城九十九圖畫。圖畫三君之形象也。

華歆遇子弟甚整章。○雍熙。書堯典。黎民於變時雍。又

曰。庶績咸熙。張衡東京賦。上下共其雍熙。

王祥事後母朱夫人甚謹章。

註母患。晉書母患之乃止。○會有處冰小解魚出

處當作堅。魏志呂虔傳註引孫盛雜語。王祥脫衣將剖

冰求之。有少堅冰解。下有魚躍出。

王戎和嶠同時遭大喪章。○雞骨支床。劉應登云。言其

骨立。文海披沙。言瘦骨如雞。僅堪支持床上。○和嶠生孝

王戎死孝。矯內飾外。生者之事。王戎神氣內損。禮法外

廢。故曰死孝。

註沙汰。猶澄汰也。溫史晉武帝紀。苟才不周用。皆宜

澄汰。註。以用水為喻。澄之使清而汰去其沙泥也。

沐德信少以清介名。魏畧。沐並嘗過姊。姊為殺雞炊黍

而不留。其清介皆此類也。○遣船兵於峴山東斫材。牂牁

句異物志。牂牁繫船杙也。太平御覽舟部牂牁條。引魏畧

作斫牂牁材。或以牂牁為江名。讀屬下句。引史記南越傳

發夜郎兵下牂牁江為證。誤甚。○汝欲作沐德信那。魏

畧。沐並時為三府長史。其名播於異域如是。雖自華夏不

知者。以為前世人也。後漢書逸民傳。女子怒云。公是韓伯

休那。註。那。餘語聲。

註陽虎。璵璠甚於暴骨。璵璠。魯之寶玉。李孫卒。陽虎

欲以璵璠斂。事見春秋左氏傳。○桓雕石椁不如速朽

禮檀弓。昔夫子居於宋。見桓司馬自為石槨。三年而

柯音歌所  
以繫船

不成。夫子曰：若是其靡也，死不如速朽之愈也。○壽為欺魄。列子：見南郭子，果若欺魄焉，而不可與接。註：神凝形喪，外物不能得闕之。○甘夢。甘，瞑也。莊子：甘，何有。○楊王孫裸體。漢書：楊王孫者，孝武時人也。學黃老之術，家業千金。及病且終，先令其子曰：吾欲保葬，以反吾真，必以易吾志。死，則為布囊盛尸，入地七尺。既下，從足引脫其囊，以身親土。其子不忍，乃往見王孫友人祁侯，示以遺令。祁侯曰：善，遂保葬。○含珠鱗柙。含珠，柙死者以珠也。鱗柙，即玉匣。西京雜記：漢帝之墓，用珠襦玉匣，形如鎧甲，連以金縷。武帝匣上鏤為蛟龍鱗鳳等。前漢霍光傳：光薨，賜玉衣。註：漢儀注：以珠為襦，如鎧狀，以黃金縷綴之。自腰以下，以玉為札。○蜃炭。杜預

左傳註：燒蛤為炭，以瘞壙也。○衣薪之鬼。易繫辭：古之葬者，厚衣之以薪，瘞之中野，不封不樹，喪期無數。杜恕著家戒章

註：誕節。簡脫也。詩邶風：旄丘之葛兮，何誕之節兮。註：誕，闊也。

皇甫謐有從姑子梁柳章

註：曾父以烹豕存教。韓非子：曾子之妻之市，其子隨之而泣，其母曰：汝還。顧反，為汝殺彘。適市來，曾子曰：嬰兒非與戲也。嬰兒非有知也。待父母而學者也。聽父母之教，今欺之，是教子欺也。父欺子而不信其母，非以成教也。遂烹彘也。○遭人而問，少有寧日。而猶則也。寧日，休日。

高令袁毅在政貪濁章

註景文 景帝司馬師文帝司馬昭並宣帝子此史官

追稱之詞○知太傅臥何意 時司馬懿為魏太傅稱

疾不與政事明年誅曹爽○與尺一令歸第 漢制一

尺一寸之縞寫天子之詔第宅也○無事馬蹄間也

言兵必起也○投傳而去 後漢書陳蕃傳投傳而去

註傳符也丁戀切釋名傳轉也轉後所在執以為信也

王偉元門生為本縣所役章○土牛 禮月令出土牛以

送寒氣後漢書禮儀志季冬之月立土牛六頭於國都郡

縣城外丑地以送寒氣夢華錄立春造土牛官吏擊之者

三以示勸耕

梁王趙王國之近屬章○中表 內外親黨也夙惠篇李

元禮有盛名詣門者皆僑才清稱及中表親戚乃通是也

晉書作親族○損有餘補不足天之道也 出老子

王戎云太保居在正始中 正始魏齊王芳年號時朝野

諸賢多能言者○將無 綱目集覽將無猶言無乃得無

之類胡三省通鑑註意以為是而未敢自主也

王安豐遭難 難古艱字謂大喪○若使一慟果能傷人

濬冲必不免滅性之譏 孔融論盛孝章書其人困於孫

氏妻孥湮沒單子獨立孤危愁苦若使憂能傷人此子不

得復永年矣與此事異義同

裴叔則營新宅甚麗章○與兄共遊 兄從兄也晉書以

宅與從兄衍

王平子胡母彥國 胡三省云母音無胡母複姓漢有太

史胡母恭

顧榮在洛陽嘗應人請 劉應登云請謂以酒食請之

註其子 趙王倫子虔

鄧攸始避難 句於道中棄已子全弟子 或於道中屬上

句讀非也 ○過江 晉自元帝以來都吳自西則謂之江

東又曰江左自北則謂之江南凡至者曰過江又曰渡江

○憶父母姓名乃攸之甥也 憶記也甥姊妹之子詩大

雅韓侯取妻汾王之甥

註至莫復及莫莫故切同暮

謝奕作劉令章 ○阿兄 胡三省云阿烏葛切阿父阿母

並同類

劉尹在郡臨終綿悒 綿微也連也謂氣息沈微纒屬未

絕也悒胡三省通鑑註音陟劣切又丑例切困劣也韻會

丑芮切短氣貌通鑑石虎太子宣殺其弟韜其母杜后哀

過危悒北齊書常山王曰吾氣息悒然恐不能相見太平

廣記李娃傳某生怨懣絕食三日遘疾甚篤旬餘愈甚邨

主懼其不起徙之于凶肆之中綿綴移時合肆之人共傷

嘆而互餉之後稍愈

王子敬病篤道家上章應首過 胡三省通鑑註依陰陽

五行數術推人年命書之如表章之義齊具贄幣燒香陳

讀云奏上大曹諸為除厄謂之上章首去聲正字通有咎

自陳曰首

殷仲堪既為荊列章 ○率物 率胡律切先導也義如論

語子帥以正之帥物人也 ○勿以我受任方州云我豁平

昔時意。晉書無勿字。有人物二字。方州。一方之州。平昔。猶平生也。晉王珣詩序。平昔時三字連讀。或讀為豁平。或改平作乎。皆非。

註自殺袁悅之後上潑為晏駕後計故先出王恭為北蕃袁悅有寵於琅邪王道子每勸專朝政上知之乃託以他罪殺之欲選時望為藩鎮以潛制王故使王恭鎮京口殷仲堪鎮荊州晏駕諱崩之詞見史記范曄傳初桓南郡揚廣共說殷荊州章○嘗因行散率爾去下舍散寒食散也。又曰五石散。或曰八石散。六朝貴族多好服之。服後步行以宣導之。謂之行散。晉書謝安傳安薨以無下舍詔府中備凶儀通鑑宋紀移江夏王義恭處尚書下舍。

桓南郡既破殷荊州章○咨議胡三省云晉公府皆置諮議參軍蓋取諮詢謀議軍事也其位在諸參軍之上

註口血未乾 盟禮殺牲歃血晉書桓玄興晉陽甲軍次尋陽並奉王命各還所鎮升壇盟誓

王恭從會稽還章○丈人不悉恭 不盡知恭作人○恭作人無長物 長去聲刺也。書叙指南。賸物曰長物。

吳郡陳遺家至孝章

註五斗米道 漢靈帝時漢中有張脩者以妖術為人療病令病家出米五斗號五斗米師聚眾寇叛時謂之米賊孫恩叔父泰師事錢塘杜子恭傳其秘術眩惑士庶○後為臨海 晉書為作寇

郭文舉入吳興餘杭山章○苔覆而居 苔詩廉切。玉篇。

以草覆屋○贈以韋袴褶一具 類篇袴褶騎服。晉書顧  
颺與葛洪共造郭文而携與俱歸。颺以文山行或須皮衣  
贈以韋袴褶一具。文不納。辞歸山中。颺追遣使者置衣室  
中而去。

謝石奴請吳隱之為衛將軍主簿 時謝石奴為衛將軍。  
請奉朝請吳隱之為主簿○厨帳 岡白駒觶。厨積也。帳  
寢帳也。○按厨帳庖厨也。南史劉湛傳。劉義真。宋武帝子  
也。居武帝憂。使左右人買魚肉珍羞於齋內。別立厨帳。  
汜毓家世敦睦章○兒無常父 叔姪相視猶父子○衣  
無常主 兄弟不別衣服

王悅之少厲清操章○會同 謂親舊宴飲會同也

德行下

王令明兄鑒頗好聚歛章○亦復何須得食 論語君子  
謀道不謀食

王僕射子恢之被召為秘書郎章○奉朝請 宋書百官  
志。奉朝請無員。亦不為官。漢東京罷省三公。外戚宗室諸  
侯多奉朝請。奉朝請者。奉朝會請召而已○秘書有限  
岡白駒觶。宋秘書郎四員。尤為美職。皆為甲族起家之選。  
待次入補。其居職例十日便遷。按敬弘與恢之書曰。秘書  
日有限。故有競云云。○按有限有員也。非居職有日限也。  
宋書百官志。秘書監一人。秘書丞一人。秘書郎四人。未云  
其居職有日限。且宋書王敬弘傳。敬弘為求奉朝請。與恢  
之書曰。秘書有限。故有競。朝請無限。故無競云云。南史王  
敬弘傳亦同。未見秘書下有日字者。



孔中丞在都章○五百米 南史百下有斛字○上水  
書叙指南迎流曰上水

朱百年家貧章

註伐蕪採箬為業 南史箬作若廣韻若人者切乾州  
也字彙補若與若同傳寫誤為箬○稍久 南史作積

文

齊高帝鎮東府 東府城名在揚州東南史高帝鎮東府  
朝廷致敬玩之為少府猶躡屐造席○但遺簪敝履復不  
可遺 觴云寧遺棄簪所賜履雖敝復不可遺棄○按南  
史語林並遺簪作著簪是著簪少原婦人事敝履楚昭王  
事九字一句言不忘故也韓詩外傳孔子出遊少原之野  
有婦人中澤而哭其容甚哀問其故答曰鄉者刈著薪也

吾著簪吾所以悲不忘故也賈誼新書昭王與吳戰楚軍  
走而履失行三十步復旋取之王曰豈愛一跣履哉惡與  
之出而弗與入也履或作屨文選陸機演連珠江漢之君  
悲其墜屨少原之婦哭其亡簪

謝玄暉好獎人才章○折簡 楊用脩云折簡襞紙也○  
無惜齒牙餘論 書言故事註獎譽於人不費已財不勞  
己力無過齒牙論揮三寸之舌幸勿惜

陸慧曉為晉熙王長史章○人生何容立輕重於懷抱  
南史懷抱下有終身常呼人位六字按呼人為卿本貴之  
也然王太尉不與庾子嵩交庾卿之不置王曰君不得為  
爾出方正篇王安豐婦常卿安豐安豐曰婦人卿壻於禮為不  
敬出慈溺篇後勿復爾則狎呼耳非貴稱也

庾子與父卒官巴西章○至巴東淫預石瞿塘大灘 集韻淫以贍切音豔南史巴東有淫預石高出二十許丈及秋水至則纔如見焉次有瞿塘大灘行侶忌之部位至此石猶不見子與撫心長叫云云○如襍 襍裹物者時秋水猶壯石出裁如裹物寰宇記土人歌濫瀕大如象瞿塘不可上濫瀕大如馬瞿塘不可下

李德林父校書亾章○崔謨 隋書崔謨者僕射之兄因休假還鄉車服甚盛將從其宅詣德林赴弔相去十餘里從者數十騎稍稍減留云云○熏灼 富貴氣焰漢書叙傳許班之貴傾動前朝熏灼四方

註五經古今文 隋書經下有及文下有集○隋文帝時 隋文帝為周丞相之時

李師古跋扈 太子賢後漢書注跋扈猶強梁也顏師古曰扈竹籬也水居者於水未至先作竹籬候魚之入水退小魚獨留大者跳跋籬扈而出故言跋扈也胡三省通鑑注余按爾雅山卑而大扈跋者不由蹊隧而行言強梁之人行不由正路山卑而大且欲跋而踰之故曰跋扈陽城歲饑章○屑榆為粥 漢書成帝河平元年旱傷麥民食榆皮淮南子八月剥榆令人不飢○糠覈 覈與覈同音紇麥糠中不破者史記陳丞相世家亦食糠覈耳楊憑得罪章○有如公為姦佞譖斥敢自同路人乎 觸云有如公言若有如公之言○按有如猶如有也言萬如有一公為姦佞所讒逐吾敢同路人乎必送公如送楊臨賀也已今所以送楊臨賀者亦唯以此

言語上

玉篇云明其  
等曰閎積其  
功曰閎音枝  
月切

鄭康成在袁冀列坐章○官闕 顏師古云闕積功也

註溫克之容 詩小雅人之齊聖飲酒溫克○出後伯

父成 出為伯父袁成後

曹公以楊太尉與袁公路婚章○不及朝報 報一作服

是○此國家之意 綱目集覽國家天子之稱漢官儀封

禪記云詔百官以次下國家隨後明日太醫令問國家起

居國家云不勞是也

註孔子二十四世孫也 范史語林並無四字

禰衡被魏武謫為鼓吏章○漁陽摻摻 正韻摻七紺切

鼓曲也徐鍇云三摻鼓也康熙字典摻張瓜切擊鼓也

註岑牟 通史志岑牟鼓角士胄也○單絞 絞音艾

蒼黃色○躡駁脚足 觸云駁當作駁謂亂踏為節○

按後漢書注駁作駁駁蘓合切音跋疾也太平御覽引

文士傳作躡足跋脚跋音駁說文進足有所擷取也

潁川太守髡陳仲弓章○因偃為恭 論語陳子禽謂子

貢曰子為恭也仲尼豈賢於子乎公羊傳桓元年其言假

之何為恭也註為恭遜辭按偃再命而偃之言臣子於

君父故當拜偃今因拜偃為恭遜心知君父之非而口不

能言

南郡龐士元聞司馬德操在潁川章○當帶金佩紫 金

印紫綬

註卿真不可然吾甚羞之此自鋤園唯卿知之耳 觸

云言我此自鋤園人未嘗知唯卿見之吾甚羞之○按

卿指琮左右言卿未嘗識吾唯見吾自鋤園知是田奴耳卿罵吾真不可然吾甚羞為田奴狀○人未嘗求已  
觴云大氏人情未嘗求於已求於已則必不臨蠶求  
箔今求之不與則始省彼此正等而將慚也○按已養  
里切止也非君子求諸已之已言人未嘗求則止求之  
不與人將慚也二求字皆乞求之求○希世而行後  
漢黨錮傳海內希世之流註希望也

許汜與劉玄德並在劉荊州坐章○如我二字句

註八顧後漢書黨錮傳顧者言能以德行引入者也

何平叔云章○五石散即寒食散也

註秦丞相一作秦承祖是隋書經籍志梁有秦承祖

本州六卷又云秦承祖藥方四十卷

何尚書自言章○見謂善易温史綱目並見作自○尋

聲答言尋經也經問者語聲即出答辭言其敏捷也

註為浮華友謂好奇誇美而無實用也魏志註引魏

畧明帝禁浮華而人白李勝堂有四窻八達各有主名

用是被錮

孫討逆既定豫章還章○言我東方人多才耳觴云馬

日碑嘗言乎孫策也○按此謂日碑論吳國人士也今孫

伯符向虞翻話之故云言我東方人以我屬上非○故前

故此故也前前時也○卿不願行便使張子綱言前

時欲令卿行卿不欲行故便使張子綱行蓋時子綱未還

故下有恐危語

註權與群臣與一作於是○東部張紘為會稽東

部都尉○柎榴枕 柎同柎。俗作楠。音南。榴讀為瘤。楠瘤文理甚美。劉子梗楠鬱蹙。以成繆錦之瘤。是也。又有以作屏風者。吳均齊春秋。左右誤排柎瘤。屏風倒壓背。是也。又謝肇淪五雜俎。余在燕市中。見瘿杯有大如斗者。後在一宗室。見以瘿木為浴盆。為枕。為屏者。据之。楠瘤為枕。益足信也。○所謂小巫見大巫。神氣盡矣。太平御覽巫部引莊子。小巫見大巫。拔茅而棄。此其所以終身弗如也。

李令伯常聘吳 常讀為嘗

註側息 孔叢子論勢篇。秦有兼吞天下之志。日夜伺間。不忘於側息也。通鑑魏紀。薛綜諫吳主曰。斯誠群僚所以傾身側息。食不甘味。寢不安席者也。註謂傾身而

卧側鼻而息。不得展布四體。安於偃仰也。

魏明帝為外祖母築館於甄氏章○哲王 詩大雅。世有

哲王○因極 詩小雅。欲報之德。昊天因極。

言語中

嵇中散語趙景真章

註嵇本姓溪 溪當作奚○徙上虞移譙國銍縣 徙

當作徙。嵇康其先本會稽上虞人。以避怨徙譙國。○長

樂亭主壻 晉書。康與魏宗室婚。類書纂要。諸王女封

鄉亭公主。○馮亭 韓將也。以上黨歸趙。○與之野戰

則不如句○周髡 髡傍米切。晉書天文志。周髡者。即

蓋天之說也。其本庖犧氏立周天曆度。其所傳則周公

受於殷高。周人志之。故曰周髡也。髡。股也。股者。表也。其

言天似盖笠。地法覆槃。天地各中高外下。北極之下。為天地之中。其地最高。而滂沱四隤。三光隱映。以為晝夜。○周髀之書也。一本之書作書名。○嶰谷。谷名。○葭莩。顏師古云。葭。蘆也。莩。其筒中白皮至薄者。○其灰散。文選李善注引續漢書。侯氣之法。為室三重。戶閉塗墜。必周密。布緹幔。室中以木為案。每律各一。內庫外高。從其方位。加律其上。以葭灰抑其內端。按曆而候之。氣至者。灰去。其氣所動者。其灰散。人及風所動者。其灰聚。

滿奮畏風章。○琉璃屏。太平御覽。屏作扉。按西京雜記云。昭陽殿窓扉。多是綠琉璃。皆達照毛髮。不得藏焉。據之作。扉為是。

諸名士共至洛水戲章。○玄箸。箸與著通。直畧切。劉辰翁云。玄箸猶沉著。按凌氏韻瑞藥韻引法書苑。吳皇象善行草書。世稱沈著痛快。

王武子孫子荆各言其土地人物之美章。○泠澥。郭璞江賦。長波浹澥。註。水滂澥也。音洽牒。○磊砢。磊。魯根切。砢。朗可切。上林賦。水玉磊砢。註。魁壘貌。正字通。人性體卓特者。亦曰磊砢。

註訪問宏為鄉里品狀。鰲云。鄉人訪問宏之言行。以為鄉里品狀。○按王濟訪問孫楚父宏。共為鄉里人士品評也。○濟曰。此人非鄉評所能名。吾自狀之。晉書品狀下有至楚二字。鄉評之鄉作卿。指孫宏父為子品評。故當難言。故王濟狀之。

樂令女適大將軍成都王穎章○允朝望允當也身當朝廷人望○豈以五男易一女晉書樂廣傳載其三男凱肇謨魏書王誦曰昔人不以一女易衆男据此似自古有五男不易一女之言

陸機詣王武子章○羊酪酪音洛酒屬以羊乳汁作之其法見元飲膳正要○有千里萹羹但未下鹽豉耳杜甫詩豉化萹絲熟註豉鹽豉蒸豆為之萹羹得下鹽豉尤美世說陸機曰有千里萹羹但未下鹽豉耳

中朝有小兒胡三省通鑑註中朝西晉也○所以為癩耳癩虐音同

郭洗馬入洛章

註居不遐外觸云言不遠交外人也○按吳志賀邵

傳註居不作客居晉書作居在遐外謂遠地邊土也古世說賞譽張天錫詣京師心甚悔來以遐外可以自固文選劉琨勸進表臣等各辱守方任職在遐外不得陪列闕庭共觀盛禮是也○刈黨愚智所為恨恨觸云刈黨愚智謂鄉評品題也○按吳志賀邵傳註恨恨作悵然則恨恨當作悵悵悵音亮玉篇悵悵惆悵也蕪武詩悵悵不能辭文選陸機謝平原內史表所以臨難慷慨而不能不悵悵者唯此而已張銑注悵悲也言郭訥屈滯如是實其鄉人無愚無智皆所為之惆悵也過江諸人自洛至吳諸人○風景不殊胡三省通鑑註言洛都遊宴多在河濱而新亭臨江渚也衛洗馬初欲渡江章

註在三之義。晉語：民生於三，事之如一。父生之，師教之，君食之，非父不生，非食不長，非教不知，生之族也。故壹事之，唯其所在，則致死焉。文選：桓溫薦譙秀表，敦在三之節。

劉琨雖隔闕寇戎，謂為寇賊所隔礙也。時劉聰、石勒等大亂中列，元皇渡江，未即帝位。劉琨在并州，遙望中興，延譽。晉語：悼公元年，使張老延君譽於四方。註：延，陳也。註：管張之才。觸云：張當作趙，管仲趙衰也。○按：張當作狐，轉寫之誤。管狐，謂管仲狐偃也。魏畧：劉廙謝劉表牋，未有管狐桓文之烈。○勸進。綱目正誤：勸之升，即帝位也。

高坐道人，不作漢語章。

註：常行頭陀。謂抖擻煩惱，離諸滯著也。大品：十二頭陀。一作阿蘭若。二常乞食，三納衣，四一坐食，五節量食，六中後不飲漿，七塚間住，八樹下，九露地住，十常坐不臥，十一次第乞食，十二但三衣。

庾公嘗入佛圖。卓氏藻林佛圖，即浮圖也。○津梁。喻濟度眾生。

孟萬年好飲章。

註：下都還。晉書無下字，都還作還都。陶淵明集：孟府君傳作下郡還。按陶淵明集為是。下郡即廬陵。○轉勸學從事。觸云：習知風俗得失，莫如近下吏。大氏人情耻下問。孟嘉承上官問，不直答，而言待還，當問從事吏，亮知其意，以為盛德。語翼曰：不直答而云當問從事吏。



是轉勸我學從事也。余近讀通志載孟嘉傳云嘉孟子  
 二十二世孫。庾亮鎮武昌時拔為勸學從事。此讀晉書  
 不詳。繆為官名也。按晉職官志無勸學從事者。○按勸  
 學從事官名也。晉職官志不載之者。猶漢官名有不書  
 於百官表而因事乃見者。蜀志尹默傳先主定益州以  
 為勸學從事。譙周傳建興中丞相諸葛亮領益州牧命  
 周為勸學從事。陶淵明孟府君傳庾亮鎮武昌并領江  
 州辟君部廬陵從事下郡還引見問風俗得失對曰嘉  
 不知還傳當問從吏亮以麈尾掩口而笑諸從事既去  
 喚弟翼語之曰孟嘉故是盛德人也君既辭出外自除  
 吏便步歸家母在堂兄弟共相歡樂怡怡如也旬有餘  
 日更版為勸學從事時亮崇脩學校高選儒官以君望

實故應尚德之舉。据此其為官名也。審矣。孟嘉者陶淵  
 明外祖父也。○餘燼假息 綱目註餘燼遺民也。假息  
 猶言少延視息也。

桓宣武嘗問孟萬年章。○絲不如竹竹不如肉 肉歌也。  
 出乎口故曰肉。指爪假絲而為琴。氣息假竹而為笛。至歌  
 則氣息自為。無復假物。所謂漸近自然者如是。

摯瞻曾作四郡太守大將軍戶曹參軍 謂作大將軍屬  
 戶曹參軍也。時王敦為大將軍

註貂蟬 後漢輿服志武冠侍中中常侍加黃金璫附  
 蟬為文貂尾為飾。古今注貂者取其有文采而不炳煥  
 外柔易而內剛勁也。蟬取其清虛識變也。

陶公疾篤都無獻替之言 替音剝廢也。國語夫事君者

諫過而賞善。薦可而替否。獻能而進賢。

註君後當居身處。身自指詞。身處猶言我今所在官。

○相觀。相去聲。相人之相。

釋道安俊辨有高才。凌稚隆云。沙門稱釋。自道安始。○

彌天。陸機演連珠。谷風乘條。必降彌天之潤。李善註。洪

範五行傳。雲起於山。而彌於天。卓氏藻林。彌天。言僧行圓

滿也。

竺法潑在簡文坐章

註外允具瞻。允當也。具與俱通。謂外當人望也。詩小

雅。民具爾瞻。

許玄度將弟出都婚。度徒落切。名字取諸左傳。咨親為

詢。咨禮為度。○欽遲。敬待。○施十重鐵步障。觸云。步

障。蓋帷之類。○按此。喻許隱蔽弟。癡也。綱目集覽。步障。今

罽毼是也。以小竹交結為之。衣以布或帛。可舒可卷。

桓公入峽。李氏據益州。號後蜀。桓溫滅之。時舟師道峽。

註拜表輒行。上書於天子。謂之上表。又曰拜表。李密

陳情表。謹拜表以聞。是也。輒行。謂表奏伐蜀。不待命輒

往也。通鑑晉紀。孫洵曰。受閩外之託。拜表輒行。有何不

可。註輒。專也。

顧悅與簡文同年。而髮蚤白。章。○蒲柳之姿。爾雅釋木。

楊。蒲柳。古今注。蒲柳生水邊。葉似青楊。一說。此言蒲柳。謂

蒲與柳也。東坡詩。喬松百丈蒼髯鬚。擾擾下笑柳。與蒲。正

用顧悅之言也。姿與資通。質也。

謝太傅語王右軍曰。章。○損欣樂之趣。蘇東坡遊東西

巖詩。况復情所鍾。感槩萃中年。正賴絲與竹。陶寫有餘歡。常恐兒輩覺。坐令高趣闌。此詩全用王謝之言。坐令高趣闌一句。即損欣樂之趣之解也。又游西菩提寺詩。个生此樂須天賦。莫遣兒曹取次知。註云。王羲之謂謝安曰。但恐兒輩覺云云。

劉尹與桓宣武共聽講禮記章○時有入心處 入一作人誤

註召見宴暱 宴暱。殿名。顏師古云。親戚宴飲會同之殿

羊秉為撫軍參軍章

註自夫子之沒有子產之嘆矣 當作自子產之沒有夫子之嘆矣。王儉褚淵碑文。子產云亡。宣尼泣其遺愛。

註左氏傳云。子產卒。仲尼聞之出涕曰。古之遺愛也。○豈非司馬生之所惑歟 司馬遷史記伯夷傳。余甚惑焉。儻所謂天道是耶非耶

支公好鶴章○有人遺其雙鶴 其指支公○乃反顧翅垂頭句 視之如有懊喪意句 視之支公視鶴也。懊喪謂

鶴憂惱失意也

晉武帝每餉山濤恒少章

註三事 三公也。詩小雅。三事大夫。

謝胡兒語庾道李。諸人莫當就卿談 莫同暮○偏師左傳宣十二年。彘子以中軍佐濟。韓獻子謂桓子曰。彘子以偏師陷子。罪大矣。

李弘度常嘆不被遇章○屈志百里 謂大才之人屈為

縣令也。漢書百官表。縣大率方百里。

袁彥伯為謝安南司馬章。○江山遼落。居然有萬里之勢。

類書纂要。遼落相距遠也。詩大雅。居然生子。猶徒然也。

史記秦始皇本紀。贊。豈世世賢哉。其勢居然也。三都賦序。

先王採詩。以觀土風。故能居然而辨八方。此書又往往見

居然。字其義並同。就中夙惠篇。日遠不聞人。從日邊來。居

然可知。此最為易解。觸云。居然高踳貌。謬矣。

孫綽賦。遂初章。○見止足之分。老子。知足不辱。知止不

殆。○楚楚。卓明卿云。枝葉盛密貌。

註。近是。猶言幾是。

孝武將講孝經章。

註。摘句。劉應登云。摘其疑以問。○激賞。激揚賞嘆。

也。晉書作賞會。明史文苑傳。胡應麟。携詩謁王世貞。世貞喜而激賞之。

宣武移鎮南。列章。

註。建業。往之秣陵。往。往昔也。吳主孫權改秣陵為建

業。晉又改曰建康。晉書。王導曰。建康。古之金陵。舊為帝

里。

謝太傅問諸子姪章。○玉樹。野客叢書。漢宮以槐為玉

樹。晉人所謂芝蘭玉樹。蓋指此物也。

道壹道人好整飾音辭章。○乃先集其慘澹。詩小雅。如

彼雨雪。先集其霰。慘澹。雪將下時雲色。○飄瞥。瞥。過目

也。謂雪花飄閃。暫過人目也。

張天錫為涼州刺史章。○革響。謂改音也。喻已改志歸。

晉。○人無嫉心。劉應登云。譏問者之嫉已。

註以貧拜廬江太守。晉書以其家貧拜廬江太守。本

官如故。

王中郎令伏玄度習鑿齒論青楚人物章

註後吳。吳當作漢。○郎宗。字仲綏。見後漢書樊英

傳。○市南宜僚屠羊說之不為利回。鱣云。楚人白公

勝欲殺子西。謂石乞曰。市南有熊宜僚者。若得之。可以

當五百人。石乞說之。宜僚固辭。承之以劍。不動。勝曰。不

為利誘。不為威惕。捨之。○按莊子。楚昭王失國。屠羊說

走而從王。王反國。將賞之。屠羊說曰。大王失國。說失屠

羊。大王反國。說亦反屠羊。臣之爵祿已復矣。又何賞之

有。願復反吾屠羊之肆。遂不受也。此屠羊說別自高操

之士。與市南宜僚同。是楚人。並不為利回也。鱣乃以屠  
羊為句。讀說為說喻之說。使屠羊不知為何物。誤甚。

桓南郡問謝夫人章。○叔先正以無用為心。句。隱頭  
為優劣。句。始末。正當動定之異耳。鱣云。先正以正為

先也。下文始末正當是已。無字兼屬於二事。言無以用于  
世為心。又無以隱頭為優劣也。○按正讀為本。所以疑正

為此耳之正。先正猶言本正也。正當字。此書往往有之。與  
晉書宣帝紀。曹爽曰。司馬公正當欲奪吾權耳。同。其義蓋

言無用者心也。隱頭者迹也。叔本正以無用為心。其迹  
雖隱頭。為優劣。其始末正當動定之異耳。而心固無動定

之異也。晉書謝安雖受朝寄。然東山之志。始末不渝。  
桓靈寶征殷仲堪章。○實乃生所未見。猶言生來所未

見也。

註范宣子

晉書范宣字宣子。

德衍子篇註。

○襄陽既沒

襄陽為符堅所陷。故曰襄陽沒。一說道安住襄陽。此言襄陽蓋指安也。

謝靈運好戴曲柄笠。古今註曲蓋者太公所作也。武王伐紂。大風折蓋。太公因折蓋之形而制曲蓋焉。戰國常以賜將帥。自漢朝乘輿用四。謂為鞞輓蓋。有軍號者賜其一也。即今之曲柄織也。註鞞輓車蓋也。通鑑晉紀陶侃疾篤。納所假節麾幢曲蓋。註節麾者臨敵之際。三軍視以為進退者也。幢以羽葆為之。其狀童童然。曲蓋者蓋為曲柄。世說謝靈運好戴曲柄笠。孔隱士曰。何不能遺曲蓋之貌。晉制諸公任方面者皆給節麾綖幢曲蓋。

註無異

莊子異作累。○不脩身

莊子脩下有之字

言語下

元凶篡立章。○何至乃爾

類書篡要。乃爾猶如是

謝孺子特善聲律章。○有伊洛間意

列仙傳。王子喬。周

靈王太子晉也。好吹笙作鳳鳴。遊伊洛之間。

蕭引書法道逸

道字秋切。健也。勁也。

○署名

南史。宣

帝嘗披奏事。指蕭引署名。○假其羽毛

其指已所書言

臣書本拙。但以賜聖賞。故似鳥之欲飛耳。此乃陛下假羽

毛於臣書也。

薛道衡嘗遊鍾山開善寺章

註鼎遷河朔

河朔北朝也。隋書鼎上有自字。○斷慧

命。大論。魔羅譯能奪命。死魔實能奪命。餘者能作奪

世說新語補考

卷之十一

七

命因緣亦能奪智慧命是故名殺者名義集波旬秦言  
殺者常欲斷人慧命故○蘊魔 瑜珈論由蘊魔徧一  
切隨逐義天魔障礙義死魔煩惱魔能與生死衆生作  
苦器故。

楊遵彥典選時章○士瑗 瑗癡林切

註舉史書 舉一作受函史作學尚書○方麴 揚升  
菴文集方言薄謂之箇或謂之麴此言方麴障面蓋竹  
織方扇。

田游巖頻召不出章○此佳否 猶言比來無恙否

天后嘗召徐有功章○公比斷獄多失出 鱗云比比例  
也如決事比之比○按比比來也○失出臣小過好生陞  
下大德 書大禹謨罪疑惟輕功疑惟重與其殺不辜寧

失不經好生之德洽于民心茲用不犯于有司

寇萊公鎮大名北使至 据宋史北使契丹使者也道由

大名而見公○主上以朝廷無事北門鎖鑰非準不可

左傳僖三十二年杞子自鄭使告于秦曰鄭人使我掌其

北門之管註管籥也寇準語蓋本于此言主上以為今朝

廷無事在中書省而議大政者非準而可大名府北列要

地契丹入寇之所由守之者非準不可故使準居此也一

語凜烈契丹寒膽

馮當世知并州章○一種公案 種一作重中峰和尚廣

錄凡有天下者未嘗無公府有公府者未嘗無案牘蓋欲

取以為法而斷天下之不正者也睦州和尚見僧乃曰現

成公案放倆三十棒

註以語弼 弼一作動非

政事

陳仲弓為太丘長章○在草不起子 在草在產蓐也。通雅引作坐草。郎英云。今諺謂臨產曰坐草。起自漢也。不起子。劉應登云。生子不生育。

王安期為東海郡章○網紀推之 通鑑註。郡網紀。功曹之屬。縣網紀。主簿錄事史之屬。

嵇康被誅後章○出處 易繫辭。君子之道。或出或處。

天地四時猶有消息而况人乎 易下象。日中則昃。月盈則食。天地盈虛。與時消息。而况於人乎。况於鬼神乎。

王丞相拜揚州章○因使還到 便即也。還似宜切。與旋同。一說。便。搜也。非是。○蘭閣 西竺譽人之語。朱子語錄

引王導事作蘭奢。

王安期作東海郡章

註周威公 呂氏春秋注。威公。西周君也。

陸太尉詣王丞相咨事章○公長民短 劉應登云。民乃陸自稱之辭。

丞相嘗夏月至石頭看庾公章○公之遺事 視事慢忽。遺棄不省。八王故事。雅崇拱默。以遺事為高。

註三捉三治三休三敗 觸云。三捉三治。蓋謂執政收賢也。周公一沐三捉髮。導相元明成三世。故假三捉以

言。三休未詳。然如王敦之反也。詣臺請罪。是自黜退也。劉隗用事。導漸見疎遠。皆可謂休矣。○按此本稱王導。政務寬恕。能不理事耳。非禮賢請休之謂也。捉。捕人也。



法華經。窮子驚愕。稱怨大喚。我不相犯。何為見捉。是也。治。治事之治。休宥也。書呂刑。雖休勿休。是也。敗。豎儒幾敗乃公之事。之敗。蓋言三捕罪人則三宥之。三治事則三敗之也。

丞相末年畧不復省事章。○憤憤。心亂貌。謂事不理。蜀志。蔣琬為大司馬。或毀琬曰。作事憤憤。誠不及前人。主者請推治之。琬曰。吾實不及前人。苟其不如。則事不理。事不理。則憤憤矣。

蕪瓊為清河太守章

註長流參軍。治獄參軍也。長流。山名。秋帝所居。顏氏家詠

宋廣平愛民惜物章。○有脚陽春。開元遺事。言所至之處。如陽春之煦物也。

玄宗嘗賜酺三日章。○金吾白挺。顏師古云。金吾。鳥名。主辟不祥。故以名官。前漢諸侯王表。奮其白挺。註。大杖也。

○手板。文獻通考。晉宋以來。謂笏為手板。註。赤縣。韻會。赤縣。謂畿縣也。

開成中延英奏對。開成。唐文宗年號。延英。殿名。○輪年全放。函史。韋臯任蜀。頗重賦歛。及府庫充實。乃弛租賦。予貧民。三年一稅。

李文靖為相章。○更張。謂改政也。前漢董仲舒傳。琴瑟不調。必解而更張之。○激昂。謂憤激作事也。類書纂要。明目張膽曰激昂。前漢王章傳。其妻呵怒之曰。今疾病困阨。不自激仰。乃反涕泣。何鄙也。

文學上

淮南王著鴻烈二十篇章○一出一入 法言註言雜而不純也

註儋石 通雅漢以一石為石再石為儋言人儋之也

鄭玄在馬融門下章○轉式 博雅式局也局有天地所以推陰陽占吉凶以楓子棗心木為之史記日者傳分策

定卦旋式正恭

註因往應之 本傳鄧騭召為舍人非其好也遂不應

命客於涼州武都漢陽界中會羗虜颺起邊方擾亂朱

毅踴貴自關以西道瑾相望融既飢困乃悔而歎息謂

其友人曰古人有言云云因往應騭召○為校書郎

永初四年拜為校書郎詣東觀典校秘書○風角 通鑑註謂候四方四隅之風以占吉凶也○去吏 書叙

指南弃官曰去吏○又不解 又當作有○或出求帖

門人闕外註李贄所作李贄初潭集作或出投刺門生○或如

神秀之徒惠明乎 六祖法寶壇經畧神秀者五祖忍

大師弟子祖一日喚諸門人曰汝等各取自本心般若

之性各作一偈來呈吾看若悟大意付汝衣法為第六

代祖衆退而相謂曰神秀上座現為教授師必是他得

我輩謾作偈頌枉用心力神秀乃作偈曰身是菩提樹

心如明鏡臺時時勤拂拭勿使惹塵埃祖曰汝未見本

性只到門外未入門內時嶺南慧能破柴踏碓亦作偈

曰菩提本無樹明鏡亦非臺本來無一物何處惹塵埃

祖知其悟本性使傳頓教及衣鉢云汝為第六代祖以後佛法由汝大行汝今好去努力向南慧能乃辭去兩

月間至大庾嶺。逐後數百人來。欲奪衣鉢。一僧俗姓陳名慧明。先是四品將軍。性行麤慥。極意參尋。為衆人先。趣及慧能。慧能擲下衣鉢於石上曰。此衣表信。可力爭耶。隱草莽中。慧明至。提扱不動。

朱公叔耽學專精章。○幾不知馬之幾足。鰭云。漢書云。石慶為大僕。上問車中幾馬。慶以策數馬畢。舉手曰。六馬。言朱穆用心專愚更甚也。幾足猶幾匹也。○按此言朱穆幾不知馬足之數也。馬五十匹曰二百蹄。牛二百五十頭曰千足。羊彘二百五十頭亦曰千足。見史記貨殖傳。未聞以一頭匹為一足也。且石慶數車中馬者。恭謹之至。非愚之類。

文學中

荀奉倩諸兄章。○此非通於意外者也。魏志意外作象外。

註幾千餘人。幾千一作裁十。○易無互體。隋書經籍志注。梁有周易無互體論三卷。鍾會撰。亡。

魏朝封晉文王為公章。○當詣府敦喻。句。綱目集覽。敦喻。謂敦勉諭曉也。

王輔嗣弱冠詣裴徽章。○恒訓其所不足。魏志注引王弼傳。弼曰。聖人體無。無又不可以訓。故不說也。老子是有者也。故恒言無。所不足。

黃初中有甲乙疑論。按司馬懿誅曹爽。事在魏齊王芳嘉平元年。上去黃初三十年矣。註引費禕甲乙論誤。

註從後閉門。魏志。嘉平元年春正月。帝即齊王芳謁高平

陵明帝也爽與弟羲訓彥皆從。司馬懿以皇太后令閉諸

城門。出屯洛水浮橋。因奏爽罪惡於帝。爽白帝下詔自

免己官。未幾為懿所殺。○滅其尺口。通鑑後漢獻帝

紀。董卓殺太傅袁隗。太僕袁基及其家尺口以上五十

餘人。胡三省註。尺口。謂嬰孩也。○絕于丹血食。曹真

字子丹。太祖族子。爽之父也。絕血食。謂絕其祭祀也。

中朝時有懷道之流章。○小極。康熙字典。極。疲也。

裴成公作崇有論章。○裴。理還復申。裴字屬上句讀。非

註著崇有二論。魏志注引陸機惠帝起居注裴願著

崇有貴無二論。

孫子荆除婦服章。○伉儷。配偶也。左傳。不能庇其伉儷。

衛玠總角時章。○擣。擣敢鐵杵。整祖雞切。同齧。周禮天

官醢人註。凡醢醬所和。細切為齧。一曰擣。辛物為之。辛物

薑蒜之類。言鐵杵擣整而啖其鐵杵也。與乘車入鼠穴對

觸云。整。和也。言擣和鐵杵以啖之也。誤矣。

客問樂令旨不至者。謝肇淛文海披沙。有指不至有目

不見。此莊子之語。世說樂令以麈尾柄閣几上云云。柄至

几上可謂至矣。而復可提而去之。則未為至也。蓋有指則

有形。有形則可以至。亦可以去。唯無形之至。莫能去之。方

為至耳。今世說作旨不至者。遂使人讀之茫不可解。○确

几。确一作閣。又作確。皆堅物相觸聲。

註藏舟潛往。莊子太宗師。夫藏舟於壑。藏山於澤。謂

之固矣。然而夜半有力者負之而走。昧者不知也。○交

臂恆謝。莊子田子方。吾終身與汝交一臂而失之。可

不哀與○飛鳥之影莫見其移 列子仲尼有影不移  
林註此惠子所謂飛鳥之影未嘗動也一物有一影繞  
動則後之影非前之影矣由後影而來前之影則未移  
之先是也○馳車之輪曾不掩地 莊子天下輪不跟  
地疏車之運動輪轉不停前迹已過後塗未至除却前  
後更無跟時

舊云章

註歌笑 本集作歌哭○頸處險而瘦 淮南子險阻  
氣多癭註上下險阻氣衝喉而結癭○齒居晉而黃  
五雜俎晉多棗故啗者齒黃○勿使延哉 觸云延散  
也○按李善養生論注延年長也○不得相與為二矣  
不一作而誤觸得字絕句非也

殷中軍云康伯未得我牙後慧 觸云言康伯天性俊拔  
纔開口便曉解非得我齒牙論而後曉解也○按此言康  
伯頗能清言然未得我牙後之慧也味在牙後二字

殷中軍見佛經云理亦應阿堵上 野客叢書引之應下  
有在字千百年眼阿堵自是當時諺語如今所謂此物耳  
楊升菴集晉人云阿堵猶唐人曰若箇今日這箇

註通人 王充論衡博覽古今者為通人○身服色黃  
服未詳或當作腹觸云服音半肉也字从肉與衣服  
之服不同按服字出字彙補而不引此文未足徵也○  
爪如銅 魏志註引浮屠經爪上有乳青毛蚡四字爪  
下有赤字○右脅 魏志注作左脅夷夏論剖左腋而  
生

初注莊子者數十家章

註隱莊 晉書莊子內外篇。歷世莫有適論其旨統者。向秀乃為之。隱解。發明奇趣。

褚李野語孫安國云章。○北人學問。隋書儒林傳。大抵南人約簡。得其英華。北學深蕪。窮其枝葉。○忘言。莊子外物。言者所以在意。得意而忘言。

葛稚川目陸平原之文如玄圃積玉。玄圃在崑崙。亦作縣圃。穆天子傳。先王所謂縣圃。天子於是得玉策。枝斯之英。

註齒名 古博經。擲采以瓊為之。刻其四面為眼。名之曰齒。○却掃 卓氏藻林。謂却掃。家庭之間也。

陸士衡入洛章。○覆酒甕 漢書楊雄傳。劉歆謂太玄。吾

恐後人用覆醬甕也。

註鬼彈 揚升菴集引水經注。瀘水傍瘴氣特惡。中有

物不見其形。其起有聲。中林則折。中人則害。名曰鬼彈。

○椒房 左思妹芬入宮有寵。思以此自矜。漢官儀。皇

后以椒塗壁。稱椒房。取其溫也。○乃詣著作郎 郎下

脫張載二字。○項託揚烏 託一作橐。春秋時人。八歲

為孔子師。或曰七歲。揚烏。漢人。揚雄子。九歲與太玄文。

揚子育而不苗者。吾家之童烏乎。九齡而與我。玄文。

陸士衡入洛章。○脫驂 鱗云。臨別贈之也。○按脫驂。猶

解駕也。不與孔子脫驂同。言士衡與少年談。及曉辭去。此

日解駕於逆旅也。故下文逆旅。姬曰云云。

郭景純詩云章

註才學賞豫 賞賞情也。豫。暇豫之豫。謂不局促也。觸云。其才可賞。其學有豫。非也。

劉真長與殷淵源談章。○惡。卿不欲作將。善雲梯。仰攻。觸云。劉理小屈。欲罷退。殷曰。唯恐卿不欲復作將。卿須善具雲梯以仰攻。終不能衝入我墨守。蓋戲誇也。○按惡去聲。十一字一句。言卿本輕我。不欲將兵。繕器以攻。故有今日之敗。此我所惡也。其意實謂劉雖善攻不能當己之墨守也。

註縈帶守之 墨子。解帶為城。以牒為械。陳琳為曹洪與文帝書。墨子之守。縈帶為垣。折箸為械。

謝鎮西少時章。○殷未過有所通。一句。過一作遇。非通。通名也。鄺生踵軍門上謁。使者入通。是也。言殷纔聞通謝。

名也。

殷中軍為庾公長史章。○正始之音。正始。魏齊王年號。

時多能言者。○輒。嬰如生。母狗馨。嬰古與。踈通。踈色入切。吃也。○又舉止羞澁也。梁武帝評羊欣書。如大家婢為

夫人。雖加位遇。而舉止羞踈。終不近似。○生。謂不馴熟。

母狗。牝狗也。馨。語詞。蓋言兩王如欲言而不能言。其狀如生母狗也。觸讀嬰為少儀。不嬰之嬰。似亦通者。然生母狗

方視人面。有如欲言而不能言之狀耳。未有搖扇之狀。則終為不通矣。

宜武集諸名勝講易章

註三成德為道。包籥者。太平御覽引易。乾鑿度。三上有管字。包作苞。無者字。鄭玄注。管猶兼也。一言而兼此

三者以成其德。道苞籥。齊魯之間名門戶及藏器之管為籥。○易也其德也。上也。下當有者字。籥云其當作者非。

殷中軍嘗至劉尹所章。○遊辭。易繫辭。誣善之人。其辭游。註游。浮罔也。

袁宏始作東征賦章。○我大道公句。晉書公上有尊字。尊公稱人父之詞。○長沙之勲。陶侃封長沙郡公。

註宣城之節。桓彝為宣城内史。蕞峻之乱。起兵赴難。明年死節本郡。

王右軍少重患章。○瘡何預盛德事耶。右軍瘡中得此佳句。幾不自知。及左右誦之。乃訝嘆云。瘡何得預盛德事也。或讀為豈得預耶之意。非。

汰法師云章

註天眼通。大明三藏法數。能見六道衆生死。此生彼苦樂之相。及見一切世間種種形色。無有障礙。是名天眼通。○漏盡通。維摩經。八千比丘不受諸法。漏盡意解。大明三藏法數。漏即三界見思惑也。謂羅漢斷見思惑盡。不受三界生死而得神通。是名漏盡通。

左太冲作三都賦章。○此二京可三。班固作兩都賦。張衡擬之作二京賦。左思復摹之作三都賦。文辭之美。可並班張。故曰可三。古世說。庾仲初作揚都賦。庾亮曰。可三二京。四三都。意亦同此。○歛衽。史記留侯世家。楚必歛衽而朝。

三乘佛家滯義章

世說新語補考 卷之十一



註四諦 苦集滅道謂之四諦。苦者生老病死。集者聚骨肉財物。滅者寂滅止息。道者懷道修行。○六度 布施持戒忍辱精進禪定智慧。謂之六度。布施以廣仁。持戒以守信。忍辱以為謙。精進以思敬。禪定以守靜。智慧以通理。

許掾年少時章○及於法師 於當作支。一本作施。以音近誤。

謝車騎在安西艱中章○謝孝 謝玄在父喪。故稱謝孝。○劇談 類書纂要。劇疾也。謂疾快之談。漢書楊雄口吃不能劇談。

殷謝諸人共集章

註成實論云眼識不待到而知虛塵塵一作屬假空與明一空

生作故得見色。若眼到色到色間則無空明。如眼觸目一日則不能見彼。當知眼識不到而知。成實論問曰。汝言識能知非根知。是事已成。今為根塵合。故識生。為離故生耶。答曰。眼識不待到故。知塵所以者何。月等遠物。亦可得見。月色不應離月而來。又假空與明。故得見色。若眼到色則間無空明。如眼篋觸眼則不得見。當知眼識不到而知。○此註所引成實論。校之原本。其脫誤如是。而觸云虛塵。隙間日影中滾滾者也。此非假空隙與日光則不可見矣。如眼觸目。眼以識言。目以形言。皆因誤作誤者也。按根塵所謂六根六塵也。眼耳鼻舌身意。謂之六根。色聲香味觸法。謂之六塵。識謂能分別六塵也。從根得名。為之六識。篋藥篋也。成實論又曰。太近眼

則不得見。如眼著藥，覓則不能見。

殷中軍被廢東陽章

註二曰毗黎毗黎者持戒也。毗黎并當作尸羅。○四

曰尸羅尸羅者精進也。尸羅并當作毗黎。法界次第。

毘梨耶。秦言精進。勤行善法。不自放逸。謂之精進。

支道林殷淵源俱在相王許章。○才性。觴云論一子才

性。淵源所構如峭函之固。○按才性即四本論。淵源所長

故曰殆是淵源峭函之固也。○改轍遠之。曹植與吳季

重書改轍易行。非良樂之御之。指四本論。下曰其玄中是

也。

文學下

江左殷太常父子 叔姪稱父子

習鑿齒史才不常章

註觀觀 左傳下無觀觀。註下不冀望于上也。○共工

秦政 工一作王誤。三皇紀。女媧當其末也。諸侯有

共工氏。任智刑以強。霸而不王。秦政秦始皇名。政。

孫興公云章。○五經鼓吹 古今注。短簫鏡歌。軍樂也。漢

樂有黃門鼓吹。天子所以宴樂羣臣。短簫鏡歌。鼓吹之一

章耳。亦以賜有功諸侯。賜功臣者。漢以來世有之。江表

蘇峻。加羽葆。鼓吹之類是。綱目集覽。鼓吹音律管壎之樂。北狄馬上之

聲。漢已後以為鼓吹。亦軍中樂。於馬上奏之。西京雜記。載

鼓薄。有吹。

桓玄嘗登江陵城南樓章

註倚伏 老子禍兮福所倚。福兮禍所伏。孰知其極。○

翹陸 莊子馬蹄翹足而陸。司馬註陸跳也。

袁虎少貧章

註袁臨汝郎 袁虎父勗為臨汝令

或問顧長康章

註搥脚人 搥脚猶搥足也。白居易詩小奴搥我足。小

婢搥我背。

桓宣武北征章○露布 以板書獲捷之狀。後用帛。文心

雕龍露板不封布。諸視聽也。續博物志露布捷書別名。以

帛書揭之於竿。欲天下知聞也。

宋文帝嘗問慧觀章○頓悟 漸脩者如神秀是也。其偈

曰。身是菩提樹。心如明鏡臺。時時勤拂拭。勿使惹塵埃。頓

悟者如慧能是也。其偈曰。菩提本無樹。明鏡亦非臺。本來

無一物。何處惹塵埃。

何子季與周彥倫同時章○三塗 地獄名火塗。餓鬼名

刀塗。畜生名血塗。即八難中之三。

註盲聾啞 雖生中國而業障深重。諸根不具。值佛

出世而不能見佛。雖說法亦不能聞。○世智辨聰 聰

一作聽非。世間之人邪智聰利者。唯務耽習外道經書。

不信出世正法。故名世智辨聰難。○佛前佛後 其生

在佛前佛後者。由業重緣薄。既不見佛。亦不聞法。○北

俱盧洲 即北鬱單越也。其人壽滿一千歲。命無中夭。

為著樂故。不受教化。是以聖人不出其中。不得見佛聞

法。○無想天 即長壽天也。此天以五百劫為壽。言無

想者。以其心想不行。如水魚蟄蟲。外道修行。多生其處。

障於見佛聞法以上出維摩經○有餘中三十心為三惡道

無明未盡故曰有餘三十心謂十住十行十回向也

即三賢之位○初地十地也即十聖之位○六相

謂總相別相同相異相成相壞相也一作六根六根解

前出○地前三賢所在如十聖所在謂之地上○鯁

脯玉篇鯁音善同鯁魚似蛇○竟陵王南史竟陵

王名子良齊武帝第二子深信釋氏○可賒篇海凡

人謂遲緩為賒

張參軍少有思理綱目正誤思理言思之深遠也○助

其申理其指弘正言助兄弘正而伸所屈之理也○四

公觴云四公四坐諸公舉四隅而該其餘○按弘直者

弘正第四弟故稱四公

何參軍與族弟水部散騎俱擅文名章○參軍曰云云

南史思澄意謂宜在已也

張思光作海賦章○飛霜暑路路一作露誤

元微之與劉夢得韋楚老在白傳第章

註才識兼茂明於體用科一科名也宋神宗景德二

年增置制舉六科亦有此科○仍孫爾雅玄孫之子

為來孫來孫之子為昆孫昆孫之子為仍孫○章武

憲宗尊號

范蜀公素不飲酒章○崇此二事崇酒佛二事也觴云

二事不飲酒也詆佛也誤甚○公頗病之言諸韓皆好

酒信佛與公相反故公病之也語林載公書云麴蘖有毒

平地生出醉鄉土偶作崇眼前妄見佛國其意可見耳觴

云。晚年異乎初見。故病之。又云。能惑之性。謂初不飲酒。詆佛教。晚年改轍。頗病之。寬哉。黃面瞿曇。脩道經。佛面光如金花。十二遊經。阿僧祇時。大茅草王捨位付臣。師婆羅門。遂受其姓。名小瞿曇。仁賢劫初識神託生。立瞿曇姓。方正上

陳尚書 王世懋云。何元朗讀書不知漢有兩陳咸。此陳咸。是陳寵曾祖。非萬年子。萬年子以憂死於成帝時。年代大不相同。

馬伏波嘗有疾。章○獨拜 謂此獨拜。彼無答拜也。蜀志。諸葛亮每至德公家。獨拜牀下。德公初不令止。晉書。祈嘉教授不倦。在朝。卿士。郡縣守令。受業。獨拜牀下者。二千餘人。

周太常清潔守禮章○不諧 類書纂要。凡事不遂曰不諧。

註嚴氏春秋 漢書儒林傳。嚴彭祖治公羊春秋。與顏安樂各專門教授。由是公羊有嚴顏之學。

夏侯玄既被桎梏章○東市 綱目集覽。東市。刑人之所。註大將軍 謂曹爽也○大傳 謂司馬懿也○士宗

許允字○子元子上 司馬師字子元。司馬昭字子尚○大將軍執政 此大將軍。謂司馬師也。下同○不

肯下辭 綱目集覽。屈服之辭○臨履 履讀為理。晉書宣帝紀。帝勤於吏職。至於芻牧之間。悉皆臨履○吾

當何辭。為令史責人耶。通鑑。辭作罪。為上有卿字。胡三省註。自漢以來。公府有令史。廷尉則有獄史耳。玄蓋

責毓以身為九卿乃承公府指自臨治我。是為公府令史而責人也。○獄當竟。胡三省云。竟。結竟也。○令與事相附。胡三省云。為作獄辭。使與所案之事相附合也。○狎玄。狎讀如雖。狎必變之狎。會者。廷尉毓之弟也。以玄有名望。欲與之交。今因其至廷尉。迫而親之。其狀如舊相識者。故曰狎。

夏侯泰初與廣陵陳本善章

註 審諤 類書纂要謂直詞進諫也。

郭淮作關中都督章○克日 克與剋通。約定日期也。

註 折簡 胡三省通鑑註。古者簡長二尺四寸。短者半之。漢制。簡長二尺。短者半之。蓋單執一札謂之簡。折簡者。折半之簡。言其禮輕也。

高貴鄉公薨章

註 冗從僕射 顏師古曰。冗從。散職之從。王者。史炤曰。

冗從僕射。主武賁中郎羽林郎將之屬。○何以處我。禮檀弓。顏淵謂子路曰。何以處我。鄭玄註。處猶安也。

諸葛思遠初統朝事章○屑屑 左傳。屑屑焉習儀。以亟。漢書王莽傳。晨夜屑屑。師古註。屑屑猶切切。動作之意。

晉武帝時章

註 孫劉之匹 魏明帝時。中書監劉放孫資見信於主。大臣莫不交好。時稱孫劉。

武帝語和嶠曰章

註 常山主與婦長廣公主 山下脫公字。與下脫甄德二字。晉書。王濟尚常山公主。甄德尚長廣公主。○生

哭人 當時多作此言。通鑑晉紀。劉聰刑賞紊亂。大將軍數數涕泣切諫。聰怒曰。汝欲乃公速死耶。何以朝夕生來哭人。又嘗刑罰過差。又祭輿櫬切諫。聰怒曰。吾豈桀紂而汝輩生來哭人。

齊王問為大司馬輔政章。○常伯 前漢谷永傳注。常伯。即侍中。

方正下

盧志於眾坐問陸士衡章

註忽見一里門如府舍 里下當有許字。搜神記。忽見道北一里許。高門瓦屋。四周有如府舍。不復見。○門中一鈴下有唱家前。鈴下。鈴下卒也。陶潛搜神後記。盧充問鈴下。鈴下對曰。崔少府。府也。通鑑晉紀。羊祜鈴

閣之下。侍衛不過十數人。胡三省註。鈴下卒。及閣下威儀也。鈴下者。有使令。則掣鈴以呼之。因以為名。閣下威儀。掌出入贊導。及納謁受事。搜神記。家前作客前。客指盧充前進也。言門中一人。鈴下。唱呼客進。而報於內也。觶云。唱家。管家僕也。唱家令充進也。妄爾。○提襪新衣。搜神記。提下有一字。襪。包袱也。○可體 裁制長短。可於充體。○見父手迹 搜神記。見作識。○為三日畢。搜神記。時為三日給食。三日畢。○一犢車 搜神記。一作二。○嘉異 異一作會。○兒竟就充懷 竟一作逕。○大家 字典。家與姑同。大家。女之尊稱。○即女姨也。言老婢所事者。即崔少府女之姨也。母之姊妹曰姨。○遣視之。果是。謂充曰。我姨姊崔少府女。遣下脫

兒字。姊當作嫁。府下脫生字。搜神記遣兒視之。果如其婢言。下車叙姓名。語克曰。昔我姨嫁少府生女。按兒者。崔少府女之姨之子。故謂崔少府女之母為我姨。鰲云。崔氏女姨。蓋女母之姊。故稱姨姊。謬甚。○我舅甥。搜神記舅作外。姊妹之子謂之外甥。即崔少府女。○温休。蓋幽昏也。崔少府女字温休。温休切。幽休温切。婚是幽婚之兆也。鰲云。温燭也。休猶死也。死而復燭。故為幽昏之兆。誤也。

王大將軍既反章。○周伯仁往見之。時王師連敗。元帝令百官詣石頭見王敦。○卿何以相負。胡三省通鑑注。愍帝建興元年。周顛為杜弢所困。投敦於豫章。故敦以為德。

蘇峻時章。○德非孔子厄同匡人。群以孔姓為匡術所逼。故引孔子為匡人所圍事。

註封公。封邵陵公。○臺下云我反。反豈得活耶。臺下指庾亮言。臺下云我反。入朝則必下我於廷尉。我豈得活耶。

桓大司馬詣劉尹章。○使君句如馨地。寧可鬪戰求勝。如馨地。猶言如此處也。言如此處當以文雅相待也。何可以武暴求勝耶。蓋譏桓温無文雅也。故温恨之。鰲云。此暗中其不臣之心也。謬矣。

註以温為將也。將大將之將。鰲讀為公羊傳君親無將之將。誤也。

會稽王道子專政章。○好家居句。織兒欲撞壞之耶。



通鑑晉紀註。織者。小之至言。為織兒。謂不及小兒也。

王脩齡嘗在東山章。

註何法盛撰晉書者。出文選李善註。

阮光祿赴山陵。晉書。成帝崩。阮裕赴山陵。事畢。便還。○

伊便能捉杖打人。句。不易。易去聲。不易。不容易也。觸

不易二字。屬上句讀。曰。打人之所。不易打。非。

王劉與桓公共至覆舟山看章。○形色如人。謂加怒於

人也。亦曰加聲色。通鑑。溫嶠偽醉作色。以手版擊錢鳳。憤

墜。錢鳳謂王敦曰。嶠於朝廷甚密。敦曰。太真昨醉。小加聲

色。何得便爾。讒是也。

羅君章曾在人家章。相識已多。謂已相識已多也。

註門施行馬。行馬。桓木也。交互其木。以遮闌于門也。

漢魏三公門施行馬。

王文度為桓公長史章。○惡見文度。已復癡。畏桓溫。面句

惡。讀如孟子惡是何言也之惡。觸以面兵為句。曰。面兵。

言其面可畏。非。

孝武問王爽章。

註恭事敗。贈太常。敗下。當有誅字。晉書。王恭事敗。爽

亦被誅。及桓玄執政。上表理恭。詔恭。贈侍中。太保。爽贈

太常。

桓玄篡立。王世懋云。徐廣答謝晦。劉裕受禪之時也。此

言桓玄篡立。誤。

下士蔚弱冠時章。○正謂此憤耳。南史語林。並謂作為。

註寃人。寃下脫句字。

褚彥宣常非從兄彥回身事二姓章○在齊大司馬門  
大司馬門斥齊臺宋傅亮奉迎文帝立行臺於江陵城南  
題曰大司馬門是也

註不肯臨軒 通鑑註檐宇之末曰軒促御坐前臨殿

陛曰臨軒○既不能先驅螻蟻 先君而死曰先驅螻

蟻楚策試黃泉葶螻蟻藝文類聚引楚策作拭黃泉驅

螻蟻○何意披猖至此 綱目集覽披猖即披靡猖狂

之謂也與楚辭昌被同彼注昌被衣不帶貌

紀僧真得幸於齊世祖 世祖武帝

註蕭道成 齊高帝○嘗令學上手迹報答書疏皆付

之 一本上作士書作嘗皆誤

徐勉為吏部尚書章○詹事五官 詹事總東宮內外衆

務事無大小皆統之府置丞功曹五官主簿錄事員

註拔葵去織 董仲舒策公儀休相魯茹羹而美拔其

園葵而棄之見家織布焚其機曰欲令農夫工女安所

售其貨乎○培塿之山 南史山下有聚石移菓四字

○乃藉十住南還之資 南史資下有其中所須猶為

不少八字○遂不辨保句貨與韋黈 貨與賣與也○

由吾經始歷年 由字管自吾經始歷年至城闕密邇

十四句○彌復可安 南史安下有所以如此非物競

故也雖事異寢丘聊可髣髴十八字○居家理治 南

史治作事○汝交關既定 正字通凡書約曰交關徐

勉與子言交關已定

蘇世長從獵於高陵 鱮云高陵即稱高宗猶高唐也○

按高陵縣名。與涇陽縣相屬。即漢左馮翊地也。舊唐書。蘓世長拜諫議大夫。嘗從幸涇陽校獵。至高陵合圍。○高宗按蘓世長卒於貞觀初。從獵進諫。在武德中為諫議大夫時。此書以為高宗謬也。當改作高祖。  
真宗將立明肅后章

註擅移皇堂 宋史真宗崩。丁謂為山陵使。雷允恭為都監判。允恭用司天監邢中和言。今山陵上。百擅穿上穴。土石相半。繼之以水。謂初無異議。及詔問之。請復用舊地。參知政事王曾奏云。謂包藏禍心。今允恭移皇堂於絕地。太后大驚怒甚云云。十八史畧註。皇堂墳穴也。  
○十一以童子召對 童子舉士科名。  
雅量上

許司徒喪子章

註亮教與群下曰。夫參署者。集衆思廣忠益也。若遠小嫌。難相違覆。曠闕損矣。通鑑亮下有發字。胡三省註。參署謂所行之事。參其同異。署而行之也。違異也。覆審也。難於違異。難於覆審。則事有曠缺損矣。董幼宰事有不至。至于十反。來相啓告。此所謂違覆也。綱目集覽。凡事不欲阿諛苟從。若遠避嫌疑。不相違覆。則職業曠廢。政教闕失。我無益矣。十八史畧註。頗有異同。不如二註穩當。

魏軍次于興平章

註倉雅 謂爾雅三倉也。隋書經籍志。三倉三卷。郭璞註。秦相李斯作蒼頡篇。漢楊雄作訓纂篇。後漢郎中賈訪作滂喜篇。故曰三蒼。○樞機不慎 易繫辭。言行者。

君子之樞機可不慎乎。

裴遐在周馥所章○馥設主人 謂設酒食也○直是闇當故耳 觶闇當猶云闇合也。言本無意於如此而闇然故顏色不異也。一作闇故當耳。猶云闇然耳。一作真是闇將故耳。言善鬪者不鬪。我真是鬪將故耳。按王世懋云。闇當之解。似為默受。宜姑從之耳。闇故當。鬪將故。皆未詳。註元皇使甘卓攻之 淮南太守裴頌貳於馥。讓之於元帝。故元帝攻之。

阮德如嘗於厠見鬼章○平上幘 武官所著。晉書職官志。大司馬大將軍等皆著武冠。平上黑幘。

王夷甫嘗屬族人事章○舉標 標音壘。扁盭也。抱扑子。世有使酒之客。以杯椽相擲者。

王夷甫與裴景聲志好不同章

註自謂理構多如。輒每謝之。然未能出也。觶云。言裴頌與邈清言。頌每謝不如。所謂奇賞之也。然未能出於頌之上也。按如當作加。言裴頌每與邈清言。坐必久矣。自謂理構相加。既多。輒每辭謝欲退。然語蟬聯不絕。勢未能出。還此其所以終日達曙也。

劉慶孫在太傅府章○兩娑千萬 晉書音義。兩娑。兩倍如許多也。

王丞相主簿欲檢校帳下章○周旋 類書纂要。周旋。猶委曲保全之謂。

祖士少好財章○屏當未盡 康熙字典。摒擋。除也。通作屏當。○幾量 字彙補。量與緬同。雙履也。

許侍中顧司空俱作丞相從事章○哈臺大斡 哈臺寤語斡鼻聲。

戴公從東出章○戴既無客色 客讀如客氣之客。一本作吝色。黃石子遵義篇。行賞吝色者。阻此轉用。為羞澁之色。曰既無。曰而談。故知非祕斡琴書之色也。觶云。凡琴有祕斡。如叔夜。廣陵散是也。誤矣。

都太傳在京口章○東廂 史記周昌傳。呂后側耳於東廂聽。註。正寢之東西室。皆號曰廂。言似箱篋之形○逸少王羲之字逸少。導從子也。譜以逸少為小字。恐誤。

過江初章○輿飾供饌 輿當是與字之誤。晉書作相。

周仲智飲酒醉章○阿奴 野客叢書。阿奴。周謨小字。當言阿嵩。誤為阿奴也。按阿奴。蓋親狎之詞。不必周謨小

字。故謝奕呼弟安。亦曰阿奴。出德行篇。觶云。阿奴。仲智小字也。誤甚。

註火人 燒營以傷人也○火車 孫子車作輜。謂輜

重也○火軍 軍當作庫○火隊 用火砲火車之類

焚燒其隊伍使亂而因以擊之也○明也 燔灼之威

炳然。故曰明。

雅量下

顧和始為揚列從事 時王導為揚列○令僕 中書令。僕射。

庾太尉與蕪峻戰敗章○此手那可使箸賊 胡三省通鑑註。言射不能殺賊而反射殺。施工自恨之辭也。箸。直畧切。按此手。誇射藝之工也。通鑑。宋廢帝射蕭道成。正中

其臍大笑曰此手何如是也。劉辰翁云。謂此箭若著賊則亦當應弦而倒矣。謬喜其射藝之工以悅安之。解得詳明。桓宣武與郝超議章。○王直擲還云多。觴稱美曰多。○宣武取筆欲除。觴云喜其多之也。○按多謂芟夷朝臣之多也。故桓溫取筆欲減除其數。郝超恐其有誤。不覺發言也。

謝公與人圍棋章

註雲母車。晉書輿服志。雲母車。以雲母飾犢車。臣下不得乘。以賜王公耳。

王子猷子敬曾俱坐一室章。○不遑取屐。遑一作惶誤。

註常貫。常一作賞誤。卓氏藻林。常貫常格也。

王僧彌謝車騎共王小奴許集章。○釣碣。釣碣也。此言

釣碣。猶云釣徒。太平御覽。謝玄與兄書。居家大都無所為。正以垂綸為事。足以永日。北固下大鱸。一出釣得四十七枚。

王東亭為桓宣武主簿章。○承藉。藉去聲。謂世世相承藉也。識鑿篇。李勢在蜀既久。承藉累葉。晉書桓玄傳。楊佺期自謂承藉華胄。江表莫比。

太元末長星見章。○心甚惡之。王世懋云。此四字可除。○自古何時有萬歲天子。劉芸廬本。時作曾。

註央星。央當作哭。哭星名。此星見有哭泣事。故名。晉書天文志。太元二十年九月。有蓬星如粉絮。東南行。歷女虛。至哭星。明年帝崩。

殷荆列有所識作賦章。○但以如意帖之而已。觴之帖。

謂按且節讀聲也。○按帖鎮定也。謂以如意置其上也。

註元康 據晉書元康當作大康。元康惠帝年號。大康。

武帝年號。○自嵩高山下 晉書自作於

王江州欲識陶淵明章

註送一力 綱目集覽送遣也。力僕也。給勞辱之役者

○是歲將復徵之 南史義熙末徵為著作佐郎不就。

元嘉四年將復徵命會卒。

宋明帝賜王景文死章

註大明之世崇徐二戴 宋武帝大明中崇尚之。徐爰。

戴法興戴明寶為佞倖。○景文或有異圖 王景文者。

皇后兄故明帝疑之。

齊高宗慶鬱林章

註西弄 綱目正誤丁度集韻弄屐也。亦作屏。今人謂

小巷及過道屋為弄。疑即江左相傳之語也。

張黃門出為封溪令章○廣越嶂險 嶺南有廣列與交

列接壤古南越地故曰廣越封溪縣交列武平郡所統○

獠賊 正韻獠音老西南夷也。

註殷淑妃 淑妃當作淑儀殷氏未進淑妃薨贈貴妃。

南史張融解褐宋孝武子新安王子鸞行參軍王母殷

淑儀薨後四月八日建齋并灌佛僚佐觀者多至一萬

少不減五千融獨注觀百錢按觀與觀通謂施僧也。

則天朝章○一群癡宰相 麟云一群併謂僕從也○按

一群泛指諸宰相也古世說支道林見王子猷兄弟還曰

見一群白頸烏亦指諸王。

司空表聖預為壙章○公何不廣耶 鱗云何不推廣此  
意耶。蓋言無意於世也。○按不廣謂量狹也。言生不可常  
壙乃吾所永安身之地也。今公忌之何量之狹耶。

註會遷洛陽 天祐元年梁王朱全忠遷昭宗於洛陽。

○希賊意 希望也。莊子漢父篇希意導言謂之諂。賊  
斥朱全忠○野菴 綱目作衰野註衰精力耗也。野少  
禮節也。

韓魏公駐兵延安 宋史地理志延安府中都督府延安  
郡彰武軍節度本延州元祐四年升為府。

註日下雲見 宋史日下五色雲見○夏國 宋史夏  
國主趙元昊本姓拓跋氏其先拓跋赤辭歸唐太宗賜  
姓李置靜邊等州以處之其後析居夏州者號平夏部。

宋太宗太平興國七年其主繼捧入朝賜姓趙繼捧族  
弟繼遷繼遷子德明德明子元昊元昊僭稱皇帝。

范忠宣謫居永列章○羊麪 羊麪蓋饅頭也類書纂要  
用麵裹羊肉以像人頭謂之饅頭又曰餠餠即餠餠也五  
雜俎餠餠即饅頭。

范忠宣謫永列章

註三司條例 宋制鹽鐵戶部度支謂之三司王安石  
請立制置三司條例司掌經畫邦計議變舊法以通天  
下之利○以紹述為國是 謂紹述先朝所行王安石  
新法以為國是也綱目宋哲宗紹聖元年紹述之論大  
興國是遂變。

識鑒



李元禮一世龍門章○牛衣 前漢王章傳。疾病無被。卧牛衣中。註。牛衣。編亂麻為之。

衛子許弱冠章○圈文生 圈姓。漢有圈稱。撰陳留風俗傳。

註旌命 文選陸機辨亡論。旌命交於塗巷。李善註。孟子曰。招大夫以旌。謝承後漢書曰。鄧道不應列郡旌命。李周翰註。旌。旗類也。求賢使者執之為君信也。

夏疾仲權入蜀章

註永南李常 蜀志。李邵字永南。廣漢郫人。有耿思。名馬良字季常。襄陽人。即諺所謂馬氏五常。白眉最良者。何晏鄧颺夏疾玄竝求傳。蝦交章○志大心勞 通鑑作志大其量○有為而躁 通鑑作有為而無終○妬前

劉子新論。妬才智。之在己前。胡三省通鑑註。妬前者。忌前也。人忌勝己。則無親之者。

索靖有先識遠量章○銅駝 綱目集覽。始皇所鑄銅橐駝。在宮城西掖門外。魏明帝自長安徙至洛陽宮門前。至晉成帝咸康二年。趙王石虎徙之於鄴。洛中記。漢鑄銅駝二枚。在宮之南四會道。高九尺。號銅駝街。鄴中記。二銅駝高一丈。在中陽門外。是銅駝不一。然索靖指洛陽宮門銅駝。則知此銅駝。秦皇之鑄。而魏明所徙者也。觴云。魏時鄴中作銅駝一角。明帝自長安徙之洛陽。是索所指者也。未深考耳。

王夷甫父又為平北將軍章

註見所繼從舅羊祜 爾雅。母之從父昆弟曰從舅。晉

書羊祜傳從甥王衍嘗詣祜陳事辭甚俊辨所繼未詳  
 隋書房彥謙傳彥謙十五出後叔父子貞事所繼母有  
 踰本生子貞哀之撫養甚厚後丁所繼母憂勺飲不入  
 口者五日此謂叔母也以其出後叔父故謂叔母為所  
 繼母乎然王衍則傳無此事或云所繼繼母也羊祜者  
 王衍繼母之從父昆弟也未知是否  
 石勒不知書章

註元康 惠帝年號在太安前晉書太安中并州飢亂  
 刺史執諸胡賣充軍實勒時亦在賣中○與平原荏平  
 人師歡家庸 通鑑石勒被賣掠為荏平人師歡奴註  
 荏音仕疑反○鞞鐸 鞞與鞞通○園中生人參 園  
 一作國誤○有不可知 晉書作其終不可量也○胡

王陽 胡人王陽也○乃公 師古註乃汝也公漢王  
 自謂也

張李鷹辟齊王東曹掾在洛章

註輒去 輒輒行之輒

王平子素不知眉子章○塢壁 字典塢小障也一曰庫  
 城後漢安帝紀遣兵屯河內衝要皆作塢壁

周伯仁母章○爾家有相 蓋謂有神人之助也

王大將軍既亡章○能抗同異 晉書通鑑并抗作立胡

三省註江列謂王彬能立同異謂哭周顛數王敦罪及謀

王敦為逆也

註以父名會累表自陳 晉書帝為之改會字為鄒舒

不得已而行○酈寄賣友 漢書酈寄與呂祿善周勃

劫寄。令給祿出遊。勃乃入北軍。天下稱酈寄賣友。  
劉真長標寄清遠章

註 廬於園中 園一作園誤

王仲祖謝仁祖劉真長俱至丹陽墓所 至一作在誤。晉書。殷浩屏居墓所。且幾十年。時人擬之管葛。謝尚王濛。常伺其出處。以下江左興亡。嘗相與省之。知浩有確然之志。既退。相謂曰。淵源不起。當如蒼生何。或云。墓。殷浩父墓也。按晉書。綱目並云。浩屏居時。其父羨為長沙。庾翼報兄永書云。殷君雖多驕豪。寔有風力之益。亦似由有佳兒。殷君即殷羨。佳兒謂浩也。晉書又云。浩後出為揚州刺史。遭父憂去職。服闋。復為揚州刺史。據此。或言非也。○確然之志。確與確通。堅也。易文言。樂則行之。憂則違之。確乎不可

拔。

小庾臨終章。○朝廷慮其不從命。諸庾世在西藩。人情所安。至是朝議欲以他人代之。恐荆列不服。從其命也。

註 敬豫 王恬字敬豫。丞相導第二子。○親則道恩優

游散騎。 據晉書。庾亮第三子庾羲。小名道恩。亮妹為

國母。故謂其族為親。優游散騎。優游於散騎。而不進也。

陶侃王導功臣也。庾亮后兄也。其子猶如是。故何充引

以抑庾爰之也。觸云。道恩。晉宗室也。故曰親。誤矣。

桓公將伐蜀章

註 縣軍溪入 縣軍猶縣師也。胡三省通鑑注。出師遠

征。其勢縣絕。不能相及。故曰縣師。縣讀曰懸。○何不焦

頭 蓋謂救急立功也。語本于焦頭爛額為上客事。

郝超與謝玄不善章○將問晉鼎 謂將滅晉也。楚王問周鼎事見左傳。

註遣長樂公丕攻沒襄陽 符丕字永叔。堅長庶子。封長樂公。

王恭隨父在會稽章○蟬連 書叙指南語不斷曰蟬連。宋明帝廢立之際 末當作齊。下曰隆昌之末。隆昌齊廢帝年號。南齊書隆昌之末。明帝輔政。廢帝昭業為鬱林王。王晏預謀。○阿戎 胡三省通鑑註。晉宋間人多謂從弟為阿戎。至唐猶然。如杜甫於從弟杜位宅守歲詩云守歲阿戎家是也。通雅阿戎從弟也。王思遠小字阿戎。為王晏從弟。故唐人沿之。

註明帝紀曰云云 此註當刪。正文齊字誤作宋。註因。

引宋明帝紀可謂鹵莽矣。○宋書 宋當作齊。

瑯琊王元長章○難可輕裝衣裾 言難可輕相從遊也。裝蒲結切。與微同。史記孟子荀卿傳。騶子適趙。平原君側行微席。註張揖三蒼訓詁云。微拂也。謂側行而衣微席為敬也。通鑑釋文。裝帛也。綱目正誤。裝當與微通。言不可輕壞其身也。並非。

註帝疾 帝武帝○及即位 及上脫鬱林溪怨融五字。鬱林諱昭業。武帝孫。繼祖而立。明帝廢為鬱林王。

路巖佐崔鉉於淮南為支使 鱮云支使度支也。唐至德以來。戶部有勾當度支使。即是也。○按通鑑唐僖宗紀註。唐制。節度使幕屬有掌書記。觀察使有支使。以掌表牋書翰。亦書記之任也。○翰林 通鑑註。唐中書省獻納制冊。後與集賢殿學士分掌之。中書舍人與翰林學士迭為輕

重。○如何得老。言如何得老於翰林。必應進作相也。  
韓熙載在南唐章。○中原常虎視於此。句一旦真主出。句  
李待制誠之在仁宗朝章。

註爾一箇包家爾一箇司馬家。皆反辭嘲弄也。

賞譽上

陳仲舉嘗歎曰章

註五山之精六金之英。吳越春秋一本作五山之鐵

精。六合之金英。○乃濡。濡與軟通。柔也。○漫理。漫

與縵同。無文也。

世目李元禮章。○謏謏。謏所六切。音縮。字彙補。峻挺貌。

註願願。願紆倫切。音贊。說文。頭願願大也。○颯颯

字典。颯音劉。高風貌。淮南子。至陰颯颯。

羊公還洛章。○復往羊許小悉還。晉書復。上有少選。二

字無小悉還三字。少選須也。○郭送之彌日。一舉數百里

彌日。經日也。又終日也。如寵禮篇。真長延張憑上坐。清言

彌日。因留宿。至曉張退。則終日也。如此章。送之彌日。王汝

南既除所生服章。彌日累夜。南史顧覲之傳。子綽私財甚

豐。鄉里士庶多負責。覲之誘。出文券一大厨。悉令焚之。綽

懊嘆彌日。則經日也。卓氏藻林類書纂要並云。彌日。盡日

也。可謂偏矣。

山公舉阮咸為吏部郎章

註吏部郎史曜出。句處缺。句當選。言吏部郎史曜出

為外職。故其所居官缺。當選人補之也。

羊長和父繇與太傅祐同堂相善。同祖曰同堂。即從兄

弟也

王戎目阮文業章○漢元 漢書平帝紀。漢元至今通鑑  
漢桓帝紀注。漢元。謂漢初也。

王汝南既除所生服章○惋愕 愕音腕。驚嘆也。

註體中佳時 晉書。佳上有不字。不佳猶不快也。○馬  
不相勝 言勝負不分也。○車路 謂平路也。○蟻封

鱗云。壅土成封曰蟻封。○按事文類聚。蟻封。蟻垤也。

北方謂之蟻樓。如小山子。乃蟻穴其地。墳起如丘垤。中  
閒屈曲如古巷道。古語云。乘馬折旋於蟻封之間。言蟻  
封之間。巷路屈曲狹小。而能象馬折旋於其間。不失其  
馳驟之節。所以為難也。折旋。直去了又橫去。如曲尺相  
似。其橫轉處。欲其方如中矩也。周旋。直去却回來。其回

轉處。欲其圓如中規也。○外氏甯家 蒙求作外家甯

氏○盛氏甥 晉書蒙求。並盛作魏○八百戶長 晉

書溫史朱史。並八作數。胡三省註。謂小邑長也。○畫籌

儀禮。箭籌。註。籌。算也。○朋人 綱目註。明。輩也。凡射

者分為兩朋。朋人均敵。以較勝負。○博指間雅 晉書

通鑑。並作容。範間雅。○人之領袖 卓氏藻林。言為人

之儀則也

有問秀才章○懸鼓之待槌 懸鼓。所懸設之鼓。槌。所以

擊鼓者

註黃中通理 易文言。君子黃中通理。正位居體。美在

其中。而暢於四支。發於事業。美之至也。

衛伯玉為尚書令章○若披雲霧覩青天 野客叢書。徐

世言補遺 卷之十一  
幹中論曰。文王畋於渭水。遇太公釣。召而與之言。載之而歸。文王之識也。灼然若驅雲而見白日。霍然如開霧而睹青天。晉人蓋引此語以美樂廣。

王平子目太尉章。○形似道。後漢黃憲傳贊。頹然其處。順。淵乎其似道。古世說。劉尹目庾中郎。雖言不惜。情似道。突兀差。可以擬道。○落落。卓氏藻林。疎闊也。

王夷甫語樂令章。○故當容平子知。言為平子所知。而後得稱名士。故無多人。

司馬太傅府多名士。章。○神王。王去聲。盛也。心神長。王。志氣盈豫。謂之神王。莊子。神雖王。不善也。

庾太尉少為王眉子所知。章。

註家叔猶不免害。家叔。王澄也。眉子名玄。王衍子也。

故謂王澄為家叔。

謝幼輿曰。章。

註于祿求榮。晉書于上有不字。○卒有二驚。一本

卒作今。○无化論。董養所著。

周侯於荆列敗績。章。

註建平人。博密等叛逆蜀賊。博當作傳。逆。迎也。蜀賊。

杜弢也。

劉琨稱祖車騎為朗詣。章。

註中夜聞雞鳴。俱起曰。此非惡聲也。晉書。中夜聞荒

雞鳴。蹴。劉琨覺曰。此非惡聲也。因起舞。唐義。雞以一二更啼。名曰荒雞。主荒亂。○安東板為徐列刺史。時元

帝為安東將軍都督揚州諸軍事。迎祖逖為徐列刺史。

板。木簡也。胡三省通鑑註。未得朝命。以板授之也。○中宗 元帝也

王平子邁世有雋才章○絕倒 觸云。絕倒。極笑也。○按絕倒。嘆美之極。宋趙與時賓退錄。晉人語曰。衛玠談道。平子絕倒。今流俗謂大笑為絕倒。非。

謝公稱藍田掇皮皆真 觸云。掇皮。猶連皮也。掇讀為綴。○按掇。提掇之掇。范啓與郝嘉賓書。亦用掇皮字。曰。子敬舉體無饒縱。掇皮無餘潤。郝答曰。舉體無餘潤。何如舉體非真者。范性矜假多煩。故嘲之。見古世說。

王丞相云章○峰距 晉書。距作岨。通雅釋詁篇。峰距一作峰岨。言峰稜機距也。王導謂卞望之之峰距。言其神峰崖岨。峻然距閉。使人不敢犯也。

註貴遊子弟 周禮師氏。凡國之貴遊子弟學焉。

諺曰章○後來出人 郝時年少。故曰後來出人。超出於人也。管子。其道非獨出人也。是也。獨步出人。皆不群之稱。本不相關。觸云。上言獨步。故云。後來又出此人。誤矣。

註大才槃槃 觸云。槃與般通。旋也。言般旋無窮也。○通雅。槃槃猶般般也。晉語曰。大才槃槃。謂其般般也。古云班班。今言般般。禮記通解曰。弁猶槃槃也。○按槃槃。大貌。儀禮士冠禮。周弁般。尋夏收。注。弁名出於槃槃。大也。言所以自光大也。

謝公云章

註商略古賢顯默之際 商略。論較也。顯默。謂出處語默也。言論較古賢之出處語默之際也。觸讀為二句。其



說云。王濛商畧古人。或顯之以論。或默而不論。可謂謬矣。○徃徃自高致。自一作有。

林公云章。○一本有註曰。文字志曰。脩少有秀令之稱。

謝鎮西稱羅君章章。○琳琅。美玉名。楚辭九歌。璆璠鳴

兮琳琅。

庾公為護軍章

註。思逢悟賞。欲逢賞心相悟之人也。謝靈運詩。永絕

賞心悟。卓氏藻林。賞心悟。謂與賞心之友相悟對也。○

吾謂卿得一佳吏部郎。謂當作音之誤也。觴云。謂

報也。非。

桓茂倫云章。○皮裏陽春。晉簡文鄭皇后名阿春。故諱

春為陽。○裁中。裁斷於中也。晉書。皮裏春秋。言其外無

臧否而內有所褒貶也。

王右軍道謝萬石章。○風領毛骨。觴云。風領。言其風足

以率人也。毛骨。言外柔內剛也。○按風領毛骨。猶言風範

骨格也。晉書元帝紀。帝毛骨非常。豈亦可謂外柔內剛乎。

○標雲柯而不扶疎。雲柯。高枝也。不扶疎。枝葉少也。

殷中軍與人書道謝萬章。○成殊不易。觴云。萬銜驪而

致此。是艱難彊矯而成也。○按此蓋謂文理之成殊不容

易也。

謝公道豫章章

註。動不累高。累去聲。書旅焚。終累大德。左傳。相時而

動。無累後人。是也。言其舉動不累高操也。觴云。不為危

也。誤。

孫興公為庾公參軍章○傾倒處亦不近 傾倒。傾。寫情懷也。杜甫詩。志士懷感傷。心胸已傾倒。

王右軍目陳玄伯壘塊有正骨 字典。壘塊。不平也。

王劉聽林公講章○鉢釘後王 謂受衣鉢而為法嗣者

也。字彙補。鉢釘。僧家飯器。太平御覽引惠遠集。袈裟非朝廷之服。鉢釘非廊廟之器。

註王濛恒尋遁遇祇洹寺中講 恒同常。常讀曰嘗。祇

洹即祇園。大智度論。祇洹精舍。

魏隱兄弟章○太宗 謂魏氏太宗也。與夙惠篇。顧和曰。

不意衰宗復生此寶同義。觸以為學之太宗。誤也○魏氏

廣韻。本自周武王母弟受封于畢。至畢萬仕晉。封魏城。

後因氏焉。

庾太尉目庾中郎家從談談之許 觸云亮。歎之從子。故

稱家從談談。王解得之。之許。言足以為深也。○按談談之

許未詳。王世懋說亦似牽合。一本作家從談之祖。

賞譽下

謝中郎云章○樂託之性 觸云。託。委也。任也。隨所遇樂。

不與物違也。○按樂託即落魄也。落魄之魄。音他各切。南

史。陸驗落魄。梁書作樂拓。又通鑑魏記。落魄作落度。音義

並同。顏師古漢書註。落魄。失業無倚也。此以形容王性。猶

簡文形容劉尹。昏默曰酩酊之類。

人問王長史江鄰兄弟群從 字典補遺。鄰與彰同。晉書

作彰。府中切。○足自生活 觸云。止足以自裁制。按俗

謂產業為生活。白居易謂作詩為冷淡。生活之類是也。足

世說新語補考

於此事譎云設  
言也  
喜曰此事者曰  
賞譽也

自生活。言諸江皆賢。足自成一風範也。晉書祖瑩曰。文章須自出一家風骨。何能共人同生活。

謝太傅道安北章。○不復使人思。劉辰翁云。此威儀韻度之則。一見而盡。○按劉說是也。註以為謝惡其直言。寬哉。

註 暮功之慘 綱目集覽謂有周暮大功小功之服

謝太傅語真長章。○阿齡於此事故欲太厲。觸云。使人故欲太厲。屬一作厲。非是。○按此事。蓋註所謂風操也。厲磨也。一本厲作屬非。

註 阿齡王胡之小字 野客叢書胡之本字修齡呼阿齡者。即其字耳。非小字也。猶桓公呼殷淵源為阿源。王處仲呼王平子為阿平之類也。

謝鎮西道敬仁文學。鏃鏃無能不新。言其銳利如磨也。觸云。稱之以惜其餘不似也。恐非。

簡文云。劉尹茗柯有實理。王世懋云。據楊用脩辨。茗柯當作茗芋。○按晉書山簡傳。酩酊作茗芋。楊慎據之。茗芋本謂醉甚。此借形容昏默。劉辰翁云。大道之極。昏昏默默是也。

謝公語王孝伯章

註 投火怒蠅方之未甚 蒙求所謂邾子投火。王思怒蠅是也。觸云。投火。周嵩事。誤也。王述性急。嘗怒雞卵。事出怨狷篇。雞卵無心。而述極怒之。故曰投火怒蠅。方之未甚也。觸駁之云。述之踏雞子。何異於怒蠅。可謂方之未甚乎。非。

許掾嘗詣簡文章○故未易多有許許語辭。

謝車騎問謝公章○尚使人不能已言尚謂使人不能已也

註謝左軍晉書謝玄為左將軍會稽內史○此家

蓋不敢斥之辭漢書外戚傳是家輕族人註是家謂成帝也不敢斥故言是家

王子敬語謝公章○蕭灑類書纂要蕭灑不拘也孔稚

圭北山移文蕭灑出塵之想○君道身最得身正自調暢劉應登云以其言已得當故襟懷自暢爾

謝車騎初見王文度章○惛惛竟夕惛音闇默也唐書昭宗謂杜讓能曰朕不欲惛惛度日是也觸云惛惛安和貌據左傳祈招詩非此言義

子敬與子猷書道兄伯蕭索寡會觸云兄伯謂子猷

也子猷子敬之兄也蕭索縈紆貌謂屈曲盤戾也○按子猷王羲之第五子其兄尚有王凝之等觸說非也蕭索寂寥貌江淹恨賦秋日蕭索浮雲無光是也寡會謂寡興趣也○乃自可矜矜憐也觸云矜矜持也言自持也誤

王恭始與王建武甚有情章

註不咸左傳弔二叔之不咸註咸同也時武帝弟道子恃寵驕恣武帝浸不能平故內外謂為不睦○悠悠之論謂人間之議也○王坐會替王道子之坐也  
一本作正坐

殷仲堪喪後章○足以映徹九泉言其精爽足以洞照地下蒙暗也觸云謂足相並於古賢也謬矣

王令明素不與謝靈運相識章○蕭敬 類書纂要自在  
無拘也。西京雜記。司馬相如為上林賦。意思蕭敬。不復與  
外事相關。

註清塗 卓氏藻林。清塗。清要之官也。

宋世為之語曰王光祿如屏風云云 南史言能不垂物  
理也。

王僧祐少便聰悟章

註雅博古 南史雅下有「好字」

王瓚之歷官五兵尚書章

註義康 彭城王名義康。宋武帝子。○可與飲 與飲。

予水也。南史。湛為吏部尚書。家甚貧。不營財利。

益州獻蜀柳數株章○武帝 觸云。劉宋高祖武帝時張

緒年老。○按武帝齊武帝也。據南史齊武帝大明中。劉悛  
之為益州。獻蜀柳數株。武帝比之。張緒當年時。張緒為散  
騎常侍金紫光祿大夫。上去宋高祖七十年。若宋高祖時  
其年老。則為一百四五十歲人。且張緒宋孝武帝時始就  
官。高祖時蓋未生也。○雲和殿 一本南史齊書。並雲作  
靈。○當年 謂少年時。太平御覽美丈夫條引楊松玠談  
藪。當年作少年。  
褚司徒嘗集袁粲舍章○別鶴 正字通。轉注古音讀書  
通俱云。鶴通作鶴。誤也。別鶴操。雄鶴鳴。辨命論。龜鶴千  
歲。古本皆作鶴。俗謬為鶴。豈可據此。謂鶴即鶴也。○官商  
暫離不可得已 以無累之神。合有道之器。故不得離也。  
觸云。官商既調。雖欲離之不可得已。非。

謝參軍一日詣東府門自通章○太祖齊高帝也時鎮東府東府城名在揚州東何點嘗目陸慧曉章

註感家禍南史點父鑠仕宋位宜都太守素有風疾無故害點母王氏坐法死點以此無官情又不取妻

劉孝標目劉訂章○半天朱霞鱗云末本又作朱弁老改末特見鎔裁妙焉俗本作朱非○按南史作朱霞此書亦多作朱霞余唯見一本及語林作末半天朱霞雲中白鶴一時儷語品目二劉朱字自佳未見末字之妙或作末者偶誤耳非有意也且曰半天曰天末固當也恐不可曰半天未鱗以為弁老改之誣哉○鱗續書禹貢厥篚織纊

註內義釋典也南史劉訂尤精意釋典聽講鍾山諸寺

衛尉趙知禮見袁德章少時章○故有陳汝之風袁氏出陳汝其地自古多賢者故稱云有陳汝之風

註陳留汝南彭城三望袁氏出汝南陳胡公之後至轅濤塗以王父字為氏世為陳上卿又出陳留彭城其後去車為袁或作爰實同出一源也姓之著者人所觀望故曰望

崔司徒每與盧玄談章

註明元後魏太宗

宋景文云章

註章獻宋史神宗皇后劉氏謚曰章獻明肅神宗崩

遺詔尊后為皇太后。軍國重事，權取處分。仁宗即位尚少，太后稱制。雖政出宮闈，而號令嚴明，恩威加天下。○康送兄秀才入軍，文選送作贈。按康從兄熹字公穆，舉秀才入軍，康懷之，因以寄贈。○華山，李善注：華山，山有光華也。○流磻，磻博禾切。李善注：說文曰：磻，以石著繳也。○太玄，李善注：謂道也。

世說新語補考卷上終

